

河南府志卷之二十五

戶口志

周官司民登萬民之數自生齒以上皆書于版何其詳也及獻其數於王王拜受之登于天府又何其重也故成康之際其治泰和煦嫗而蒸黎阜庶有由然哉我

皇上以至仁覆天下生養蕃多河南之登於版者視昔加盛而又安享昇平之福冠於前代矣故備著于錄以爲生民慶遭逢焉志戶口

順治十六年分

見在活丁七萬六千九百八十三丁

康熙九年

見在人丁八萬六千四百七十四丁內有康熙元年六年兩次編審新增人丁除頂補開

除老故外實增人丁九千四百九十一丁除優免外實在行差共人丁七萬八千三百四十三丁

康熙三十年編審

舊管人丁一十萬八千七百二十二

十五年四次編審新增人丁內除頂補節年開除老故外實增人丁二萬二千二百四十八丁康熙三十年又開除老故人丁六千九百一十丁新增人丁一萬六千三十一丁新舊實在共人丁一十一萬二千四百四十三丁又收併衛所舊管審註活丁二千三百六十三丁開除老故人丁二百五十三丁新增人丁三百二十四丁新舊實在

康熙五十年編審

見在人丁一十二萬七千五百七十九

十五年併本年四次編審新增人丁四萬八千六百一十七丁內除頂補節年開除老故人丁三萬三千四百八十一丁外實增人丁一萬五千一百三十六丁見在活丁各丁徵銀不等共徵丁銀一萬四千八十九兩七錢六分七釐二毫又收併各衛所見在人丁

十五年併本年四次編審新增人丁九百四十除項  
補節年開除老故人丁五百七十八丁外實增人丁  
三百二十六丁見在活丁各丁徵  
銀不等共徵丁銀八百一兩二錢

康熙五十二年五月十六日准戶部咨爲欽奉

恩詔事內開康熙五十二年三月十八日

恩詔內開海宇承平日久戶口日繁地畝並未加廣宜施寬  
大之恩共享恬熙之樂嗣後直隸各地方官遇編審之期  
察出增益人丁止將實數另造清冊奏聞其徵收錢糧但  
據康熙五十年丁冊定爲常額續生人丁永不加賦欽遵  
在案

康熙五十五年編審

舊管額丁十二萬七千五百七十  
九丁內開除老故人丁八千八百

四十四丁卽將新增人丁補足十二萬七千五百七十九丁應徵丁銀一萬四千八百七十九兩七錢六分七釐二毫之額外共

盛世滋生戶口人丁六千三百一十一丁又收併衛所舊管額丁二千七百六十丁內開除老故人丁二百三十五丁卽將新增人丁補足二千七百六十丁應徵丁銀八百一兩二錢之額外共

康熙六十年編審

舊管額丁十二萬七千五百七十九丁內開除老故人丁七千一百六十九

四丁卽將新增人丁補足十二萬七千五百七十九丁應徵丁銀一萬四千八百七十九兩七錢六分七釐二毫之額外共

盛世滋生戶口人丁六千五百四十八丁又收併衛所舊管額丁二千七百六十丁內開除老故人丁一百五十五丁卽將新增人丁補足二千七百六十丁應徵丁銀八百一兩二錢之額外共

盛世滋生戶口人丁一百五十八丁

雍正三年九月十三日准戶部咨爲請照舊省分轄之

制等事雍正二年八月二十三日奉

旨將靈寶閭鄉二縣分隸陝州管轄隨分撥該州并所屬二

縣

新舊人丁三萬三千八百五十七丁額徵丁銀四千二百五十七兩八錢四分四釐實在人丁九萬

二千七百二十二丁額徵丁銀九千八百三十一兩九錢二分三釐二毫又

盛世

滋生戶口人丁內分撥一千三百丁實在戶口人

丁一萬一千五百五十九丁又收併衛所分撥各州

縣新舊人丁五百四十二丁額徵丁銀二百七十一兩實在人丁二千二百一十八丁額徵丁銀五百三

十兩二錢又

盛世滋生戶口人丁內分撥二十一丁實在戶口人丁

二百六

十五丁

雍正四年編審

於實在人丁內開除老故人丁四千七百九十二丁即將新增人丁補足九萬三

千七百二十二丁應徵丁銀九千八百三十一兩九錢二分三釐二毫之額外

盛世滋生戶口人丁六千五百七十七丁又收併衛所  
於實在人丁內開除老故人丁一百六十九丁卽將  
新增人丁補足二千二百十八丁應徵丁銀五百三  
十兩二錢之額外  
盛世滋生戶口人丁  
一百五十七丁

雍正四年九月初二日巡撫田文鏡題爲詳請

題明豫省丁糧按地輸納以均賦役事奉

旨以各邑丁糧均派於各邑地糧之內無論紳衿富戶不分  
等則一例輸將以昭畫一以垂永久統於雍正五年爲始  
攤入地糧內徵收欽遵在案

雍正九年編審

舊管額丁九萬三千七百二十二丁內  
開除老故人丁五千一百七十七丁卽將新

增入丁補足九萬三千七百二十二丁應徵丁銀九  
千八百三十一兩九錢二分三釐二毫之額外

盛世滋生戶口人丁五千六百四十一丁又收併衛所  
舊管額丁二千二百一十八丁內開除老故人丁二  
百四丁卽將新增人丁補足二千二百一十八丁應  
徵丁銀五百三十兩二錢之額外

盛世滋生戶口人丁  
一百二十二丁

### 雍正十二年奉

旨將盧氏縣分隸陝州管轄

隨分撥該縣人丁一千七百八十一丁應徵丁銀八百五十四

兩八錢八分實在人丁九萬一千九百四十一丁應  
徵丁銀八千九百七十七兩四分三釐二毫又

盛世滋生戶口人  
丁三百二丁

### 乾隆元年編審

舊管額丁九萬一千九百四十一丁內  
開除老故人丁一千二百二十七丁卽

將新增人丁補足九萬一千九百四十一丁應徵丁  
銀八千九百七十七兩四分三釐二毫之額外

盛世滋生戶口人丁五千七百四十一丁又收併衛所  
舊管額丁二千二百一十八丁內開除老故人丁三

十三丁即將新增人丁補足二千二百一十八丁應徵丁銀五百三十兩二錢之額外

盛世滋生戶口人

丁九十三丁

乾隆六年編審

舊管額丁九萬一千九百四十一丁內開除老故人丁五百四十二丁即將新

增人丁補足九萬一千九百四十一丁應徵丁銀八千九百七十七兩四分三釐二毫之額外

盛世滋生戶口人丁五千八百一十七丁又收併衛所

舊管額丁二千二百一十八丁內開除老故人丁一百二十六丁即將新增人丁補足二千二百一十八丁應徵丁銀五百三十兩二錢之額外

盛世滋生戶口人丁

一百二十一丁

乾隆十一年編審

舊管額丁九萬一千九百四十一丁內開除老故人丁七百五十一丁即將

將新增人丁補足九萬一千九百四十一丁應徵丁銀八千九百七十七兩四分三釐二毫之額外

盛世滋生戶口人丁六千七百三十七丁又收併衛所

舊管額丁二千二百一十八丁內開除老故人丁九

乾隆十六年編審內開除老故人丁三萬九千九百四十一丁  
應徵丁銀五百三十兩二錢之額外

盛世滋生戶口人

丁一百五十五丁

乾隆十六年編審

舊管額丁九萬一千九百四十一丁  
內開除老故人丁三萬九千九百四十一丁  
即

將新增人丁補足九萬一千九百四十一丁  
應徵丁銀八千九百七十七兩四分三釐二毫之額外

盛世滋生戶口人丁六千六百九十二丁  
又收併衛所

舊管額丁二千二百一十八丁  
內開除老故人丁一

十七丁  
即將新增人丁補足二千二百一十八丁  
應徵丁銀五百三十兩二錢之額外

盛世滋生戶口人丁

一百二十九丁

乾隆二十一年編審

舊管額丁九萬一千九百四十一丁  
內開除老故人丁一百四十九

丁  
即將新增人丁補足九萬一千九百四十一丁  
應徵丁銀八千九百七十七兩四分三釐二毫之額外

盛世滋生戶口人丁六千七百一十四丁  
又收併衛所

舊管額丁二千二百一十八丁  
內開除老故人

丁一十五丁卽將新增人丁補足二千二百一十八  
丁應徵丁銀五百三十兩二錢之額外  
盛世滋生戶口人丁

一百三十九丁

乾隆二十六年編審

舊管額丁九萬一千九百四十一  
丁內開除老故人丁一百四十四

丁卽將新增人丁補足九萬一千九百四十一丁應  
徵丁銀八千九百七十七兩四分三釐二毫之額外  
盛世滋生戶口人丁七千三十七丁又收併

舊管

額丁二千二百一十八丁內開除老故人丁一十七  
丁卽將新增人丁補足二千二百一十八丁應徵丁  
銀五百三十兩二錢之額外

盛世滋生戶口人丁

一百五十三丁

乾隆三十一年編審

舊管額丁九萬一千九百四十一  
丁內開除老故人丁一百二十七

丁卽將新增人丁補足九萬一千九百四十一丁應  
徵丁銀八千九百七十七兩四分三釐二毫之額外  
盛世滋生戶口人丁七千六十三丁又收併舊管  
額丁二千二百一十八丁內開除老故人丁一十一

丁卽將新增人丁補足二千二百一十八丁應徵丁銀五百三十二兩二錢之額外

盛世滋生戶口人丁

一百六十三丁

乾隆三十七年奉

上諭據李瀚奏請停編審造冊一招所見甚是已批交該部議奏矣第思編審人丁舊例原因生齒繁滋恐有漏戶避差之弊是以每屆五年查編造冊以備考覈今丁銀旣皆攤入地糧而滋生人戶又欽遵康熙五十二年

**皇祖**恩旨永不加賦則五年編審不過沿襲虛文無裨實政况

各省民穀細數俱經該督撫于年底專摺奏報戶部核實具題付之史館記載是戶口之歲增繁盛俱可按籍而稽

更無藉五年一次之另行查辦徒滋紛擾此摺無庸交議  
嗣後編審之例著永行停止將此通諭各督撫知之欽此  
乾隆四十年編審

府屬十縣男婦大小共一百四十四萬二千零三十  
三丁口

洛陽縣編戶共四萬七千七百五十三戶男婦大小二  
十四萬六千一百六十八丁口

偃師縣編戶共二萬二千四百四十二戶男婦大小十  
一萬八千七十七丁口

鞏縣編戶共二萬一千一百八十八戶男婦大小十萬

零八千五百九十一丁口

孟津縣編戶共九千六百四十六戶男婦大小六萬二千二百五十四丁口

宜陽縣編戶共三萬九千一百二十六戶男婦大小十八萬四千四百七十一丁口

登封縣編戶共三萬二千二百七十六戶男婦大小十三萬二千一百五十四丁口

永寧縣編戶共三萬一千一百三十六戶男婦大小二十四萬八千六百四十五丁口

新安縣編戶共一萬五千一百七十六戶男婦大小七

萬七千五百八十二丁口

澠池縣編戶共一萬九千八百二十五戶男婦大小九萬二千一百六十八丁口

嵩縣編戶共四萬二千四百九十三戶男婦大小十七萬一千一百三十八丁口

河南府志卷之二十六

禮俗志

附方言

周禮八則六曰禮俗以馭其民禮俗者如儀禮所謂若不醴則醮若殺則特牲俗既異宜禮亦異制非變禮以從俗正通俗使合禮耳今依儀禮篇次列冠昏相見燕飲祭祀喪紀粗備古今禮俗異同並紀歲時及古人風俗餘論以覘得失至民生居室和味宜服利用備器雖在中土稱名各異化民成俗者將修禮以節其性通其欲其間方言不同是用類附庶幾禮家所謂學雜服之意云志禮俗

冠

古重冠禮將以責成人之道今河南士庶家猶有行之者  
冠禮筮日今俗於將昏前數日擇吉行之

禮戒賓筮賓宿賓並宿贊冠者今俗不備儀但柬同鄉前輩  
一人爲賓卽以賓之子弟爲贊

冠禮行於廟中今士庶家或無廟祀于正寢卽于正寢行之  
古者前堂後室房在室東階分東西今俗卽以三間五架屋  
用帷界後半中西間爲室東爲房分中階爲東西取足行  
禮而已

禮先陳器服今俗亦設洗設冠席但不陳服不設醴冠惟一

加陳西階下

禮冠席設于東序西面醴席設于戶西南面今俗一加後賓  
卽酌酒禮冠者不更席

禮三加三醴皆有辭今俗但隨賓致辭至命字之辭古人甚  
質今俗或別爲字說以示教誡

禮冠者取脯見母母拜受子拜送今俗不設脯亦見于母  
禮冠畢醴賓以壹獻之禮贊者皆與今俗亦于是日行之  
禮男女笄今笄禮待嫁日至夫家乃笄名曰上頭

昏

禮納采問名二事相因今俗亦於一日內行之

禮使者致辭主人對今則媒氏具書主人答書名曰過啓

六禮先納采謂方採擇次問名謂請其名而將加諸卜卜者吉與否猶未定也至納吉而後昏定今俗於納采已曰定親故但納采問名別無納吉之禮

禮納徵如納吉請期如納徵各別日今俗但於一日內行之或曰過聘卽納徵也或曰送好卽請期也

禮納徵用束帛儷皮今俗隨貧富行之記曰皮帛必可制今俗或製爲衣物並用羊豕酒果之屬

禮親迎乘墨車從車二乘婦車亦如之墨車大夫車也士昏禮用之謂之攝盛今俗無貴賤皆得肩輿女曰華轎壻或

乘馬

禮壻有從者以贊壻行禮今俗亦擇一人知禮者爲贊

禮女之父迎至於廟而授女壻升堂奠鴈再拜主人不答

壻降出婦主人不送今俗壻拜主人主人亦與爲禮

禮女嫁有姆詔禮今俗夫家先擇婦人知禮者往迎曰娶女  
客女家亦擇婦人知禮者往送曰送女客

禮壻御婦車授綏姆辭不受今俗壻舉轎簾送女客辭壻乃  
乘馬先歸

禮嫁女純衣纁襍謂緇衣纁裳今俗迎衣色皆赤

昏禮用日昏故執燭前馬今俗雖早迎猶用燭

禮婦至壻迎入卽設對席行同牢合巹禮今俗入門則拜華堂待昏乃合巹交拜

禮明日婦見舅姑舅姑醴婦其見也執棗栗今俗猶然  
禮婦見畢饋舅姑今俗亦女家備婦饋名曰送飯

禮舅饗送者姑饗婦人送者皆於昏之明日今俗猶然  
昏禮不賀其賀也曰聞子有客使某羞今俗直稱賀亦於饗送者之曰

禮婦入三月然後祭行謂助祭也若舅姑既歿則婦入三月乃奠菜今俗新婦拜祠堂皆以三日以日代月也

禮不親迎則婦入三月然後壻見婦之父母今俗湯俗有不

親迎者女至家壻卽于是日往見婦之父母其鞶偃俗若不親迎待三日乃往見名曰會面

相見

禮士相見贄用雉無空手相見者今俗非事師無所用贄禮請見曰某固願聞名於將命者今俗但具帖通姓名

禮主人必三辭不得命乃出迎賓今俗賓至主人趨迎若不  
得見則賓去不再請

禮迎賓入受贄送贄俱在門內賓出主人請賓反見不言所在蓋燕見於堂也今俗迎賓入直升堂爲禮雖始見亦從燕見之儀以不用贄故不於門內拜送

禮主人迎賓送賓皆再拜今俗迎送但一揖

禮相見後主人必還贊敵者於其家嘗爲臣者則損還贊於門外今俗不用贊其或有餽獻皆於門外辭受主人但往見報禮

### 燕飲

儀禮鄉飲酒乃鄉學飲國中賢者及賓與賢能用之其鄉人私燕亦用此禮今俗燕飲禮最疎習禮者猶得其一二焉禮有賓有介有衆賓今俗遇慶賀亦於衆客中擇有齒德者爲首座餘以齒序衆賓無介

禮主人獻賓先盥洗洗在阼階下今俗不盥洗或仿溫公儀

設洗於堂上但洗爵亦不盥

禮獻賓薦脯醢設折俎賓祭脯醢祭酒今俗主人獻賓先代  
賓席前祭酒乃易爵酌以獻賓

禮獻賓賓酢主人主人酬賓然後獻介獻衆賓今俗主人既  
獻賓並獻衆賓畢首座乃酢主人主人不酬

禮獻畢一人舉觶於賓爲旅酬始今俗欲賓盡歡主人別以  
大杯先進首座名曰另鍾

禮徹俎後賓主皆升坐爵無算今俗亦徹後方勸酒名曰飯  
後酒與他處異

禮飲酒必立司正今俗飲酒行令亦立一人察得失名令官

祭祀

禮庶人薦於寢不立廟今俗皆得祭高曾以下族大者或共建祠堂祭始遷之祖

禮尊祖敬宗敬宗收族今俗不能立宗子但推族間輩長可統衆者爲族長祭則主之

禮祭必筮日今俗多不擇日或用節序或用生忌日

禮不墓祭今俗逢寒食拜墓剪紙張掛負土添封名曰上墳洛陽逢七月十五日亦上墳謂之春秋祭他縣或不用七月待十月朔墓前送寒衣洛陽十月朔則於門外送之

禮士特牲大夫少牢豕曰特牲羊豕曰少牢今士庶家雖或

用羊猶特與少牢異

禮大夫士祭不得灌地降神今俗遇盛祭乃從文公家禮先降神但無敢用鬱鬯

禮士特牲饋食豕俎外有腊俎魚俎今俗或用猪首雞魚名曰三牲周官雞人掌共雞牲記曰牲用魚是雞魚皆得以牲名

禮鼎俎奇而籩豆耦今人正饌視古豆實果盤視古籩實但正饌多用九果盤用四不必皆耦

禮宗人詔禮祝接神今俗延知禮者爲引贊或代祝

禮設饌酌奠主人再拜稽首祝在左卒祝主人再拜稽首爲

海內風志  
卷之二十一  
正祭後乃迎尸三獻今俗禮殺者先陳饌再拜祝卒再拜  
與古未迎尸前一節同

禮尸食三侑後乃三獻今俗雖不設尸遇盛祭亦分三獻獻  
畢乃侑食

禮主人初獻主婦亞獻賓三獻今俗三獻皆主人獻畢賓助  
侑食主婦點茶

禮奠酒謂酌而奠置之祭酒謂傾少許於地酌酒謂盡傾之  
今俗名爲奠酒實則酌酒知禮者但代神祭酒仍奠於神  
座前不酌

禮庶人祭先外於五祀但立一祀今俗元旦祀神曰中宮曰

竈曰門神中宮卽中雷俗乃妄謂祭天地其祭竈也又用臘月廿三日夜

禮里有里社社祭土今俗社祭不獨土地之神凡有所祭皆曰社

禮蜡祭迎貓迎虎儒先謂仿像其狀而迎之今俗或並作狻猊雜戲謂之像

### 喪紀

士喪禮死于適室適室正寢也今俗或養疾於別室臨終必遷正寢

禮復者升屋拓以衣曰皐某復今俗不升屋但持衣至所嘗

行坐處曰來復不敢斥名

禮楔齒綴足今俗猶綴足不楔齒恐不受含始死卽含含用小銀花不用米

禮始死奠用醢醢醴酒今俗猶然

禮帷堂今俗猶然

禮命赴者今俗先使人赴近親不作喪書三日後乃通書

禮哭位主人坐于牀東衆主人在後西面婦人挾牀東面今俗猶然

禮爲銘各以其物亡則以緇長半幅遶末長終幅廣三寸書銘于末曰某氏某之柩今俗純用赤色繪廣幅長五尺書

官爵姓氏

禮將襲先沐浴今俗但以巾濯水拭面

禮襲用幘目握手今俗或不用

禮作重木依神今俗結魂帛

禮明日小斂三日大斂今俗不小斂其絞紵衾冒但備其物  
待大斂入棺方用之絞用橫三不用縮

禮小斂主人以麻髻髮經帶衆主人免今不小斂故待三日  
乃髻髮免俗謂免爲頭帶

禮掘肆見衽棺升卽入于肆肆者埋棺之坎旣斂卒塗謂之  
殯今俗不掘肆斂後或塗之曰封柩

禮塗棺設熬今俗不用

禮殯于西階上奠于室中今俗殯于中堂奠于殯前檀弓所謂奠于兩楹間也盖用殷禮

禮設奠席今俗置靈座

禮三日成服杖所謂生與來日也實四日今俗猶然

禮成服因朝奠朔月乃殷奠今俗成服則殷奠或別擇日殷奠謂之孺祭赴親友受弔客名曰開弔

禮奠與祭異今俗或用祭儀知禮者酌用奠儀

禮倚廬在申門外今俗率苦塊殯旁謂之守靈

禮筮宅主人往兆南北面免經今俗非相墓地主人不出

禮士三月而葬必卜日今俗不卜開歷擇日赴親友

禮先葬二日既夕哭請啓期今俗預擇日啓殯名曰開柩

禮遷柩朝祖不復返殯宮今俗既朝復返故以魂帛代柩

禮朝祖用朝祖奠用日餽今俗俱于將葬前夕行之

禮遷于祖奠從設既朝乃徹設遷祖奠用脯醢醴酒奠爲柩  
非爲祖考今俗乃盛饌代爲死者祭先之禮

禮既朝乃載柩屬引今俗或爲靈車前夕陳之不載

禮飾柩一池帷荒紐前頰後緇齊三采今俗或以錦爲帷荒  
飾以雜采或剪紙代之

禮陳明器有杭木杭席加茵今俗壙中作元堂故不用杭木

等

禮苞二簋三黍稷麥蕷三醯醢屑鯁二醴酒今俗知禮者備物或但用一磁器實醇子中代醴酒

禮設祖奠祝御柩以功布取銘置茵今洛陽俗結作銘旌樓子他縣以有服者舉之

禮弔賻賓與主人爲禮今弔客皆拜靈座有賻奠陳靈座前禮遣奠士陳鼎五羊豕魚腊獸與大夫少牢同謂之攝盛今俗亦用羊豕但墓前殷奠用之遣奠則否

禮塗車芻靈今俗猶用之

禮至邦門公贈今俗親友結素棚道左或里門外曰祖道

禮虞乃作主今俗墓前題主或預題成至墓前延有爵者用判筆點之名曰點主

禮筮宅命筮曰度茲幽宅兆基無有後艱今俗擇地祀土神入壙祀土神皆吉服祀于墓左

禮藏明器在椁內椁外卽土今俗別作元堂則藏器在椁外其卑濕不可作元堂者則直窆用磚作元堂

禮反哭在祖廟柩從祖廟出也今俗柩自殯宮出故反哭在殯宮

禮士虞特豕饋食始用祭禮今俗葬前用祭禮士虞則禮甚簡畧

禮三虞卒哭明日以其班祔今俗或未三月而葬則三虞後至百日乃卒哭

禮將且而祔則薦薦在三虞之夕今俗祔虞或不相屬則薦用百日卒哭之夕

禮祔祖廟後有祭卽祖廟祭之今則祔後主反殯宮迨二年乃入祠堂改題舊主

禮期而小祥再期而大祥中月而禫今俗小祥大祥皆用忌日禫祭率不知用三年忌日謂之脫服守禮者則否

歲時

立春前一日府縣迎春牛置衙前至日打春百姓買小春牛

依官式五色裝或相獻遺小兒女剪綵作春雞戴頭上

元旦早起祀神家家爆竹聲不絕三鼓後直至天曉近山諸縣豫樵栢枝祀神焚之香烟氤氳滿四壁祀畢子弟拜家長又依次各拜其長謂之拜年飲椒栢酒食肉水引扁食乃出門往來賀歲門神象神茶鬱壘洛陽俗併釘桃木板于戶兩旁五色繪畫曰桃符

人日洛陽不爲節他縣或鍍金簿爲人貼屏風次日爲穀鄉里多以穀日祈穀曰春祈社

元宵燃燈俗用十四十五十六三日夜造燈山火樹或紗張屏風畫神仙故事歌樓鱗次絲管嘈雜燈下設雜劇百戲

遊人填塞街衢衢首結綵橋婦女行其上曰百子橋並作  
八卦鞦韆車輪鞦韆

寒食拜墓後或挈酒榼春盤出遊謂之踏青

上巳禊飲魏以後用三日不用上旬巳日晉束皙謂周公營  
洛因流水以泛酒逸詩云羽觴隨波王濟常解禊洛水稱  
張華善說史漢裴逸民敘前言往行歷歷可聽夏統爲母  
市藥會三月三日洛中王公以下莫不方駕連軫並于南  
浮橋修禊今俗猶沿爲盛事

端午前數日俗以角黍糗相餉遺是日早起艾插門或  
結艾人以五色絲繫臂曰長命縷飲雄黃酒辟惡毒小兒

女佩雄黃囊結五綵繒爲花戴之

七夕乞巧是日婦女置水碗浮繡針候其影有鋒芒與否分巧拙夜陳瓜果祀女牛晨起視有蛛網在上者爲得巧

中秋節前郡城諸菓店皆重新結絡陳月餅石榴梨棗栗柿諸果品家家市酒登樓翫月絲篋鬪沸宴飲通宵

重陽文士登高招飲賦詩或入名園賞菊洛下菊多至百餘種其尤異者稱洋菊

十月朔燒獻冥衣郡縣百姓夜昇城隍神歷四門軍樂喧闐燈火照衢名曰放鬼

冬至祀先祖食餠飩取陰陽胚胎包孕渾涵

臘月八日以棗栗柿雜米炊之曰佛粥或用牛羊豕肉細切作糜曰葷粥

臘月廿三日夜祭竈用飴餠

除夕家人置酒辭年或以是夕大儺擇身品魁偉者戴假面朱衣裳執金鎗龍旗入人家逐疫

風俗餘論

氣稟中和

周禮註

女修織紉男務耕耘器用陶匏服尚素元耻織靡而不服賤

奇麗而弗珍

東都賦

周公營雒在于土中故於三代最爲長久周人之失巧僞趨

利熹爲商賈

前漢地理志

民去末而反本咸懷忠而抱慤

東京賦

中央四析風雨交山川峻其人端正

博物志

河南豫州之域豫之言舒也言稟平和之氣性理安舒也洛

陽得土之中賦貢所均故周公作洛此焉攸在

隋地理志

周之政尚寬故其俗和柔而寬緩

山堂考索

民性安舒多衣冠舊族然土地褊薄迫於營養

宋史地理志

士嚮詩書民習禮義務本立業有周召遺風

宋志表

忠義疊見

邵氏聞見錄

洛陽古多士風俗猶爾雅

蘇軾詩

洛陽古帝都其人習於漢唐衣冠之遺俗居家治園池築臺榭植草木以爲歲時遊觀之好其山川風氣清明盛麗居之可樂

蘇轍李氏園池記

性行淳樸不事華侈

一統志

東都西南接鄧號皆高山深林民不耕種以射獵爲生人皆

趨勇

紀事本末

伊洛爲二程先生之鄉其風氣雅稱樸茂今公倡約伊洛之間復見二程之化世道人心歛華就實

新安存古約言敘

偃師俗尚淳樸嫁娶選來多從儉

鞏縣土厚水深人性勇敢負氣尚力然禮俗多行古道

孟津地狹土瘠古稱質樸但民性多梗出戶訐訐滋今風氣漸

淳習俗丕變

宜陽自召伯巡行風俗淳美庶民家不飾金銀珠翠

登封民生淳樸讀書之外惟知力田然疾病多乞靈巫覡

永寧爲召南首邑綽有古風然民性勇敢好勝

新安地瘠民貧稼穡不足自贍然俗厚而淳士喜讀書科第不絕邑北冶依山人以爲利

澠池勤稼穡尚敦樸無踰分鬪訟之習

嵩縣民性淳樸不事華靡縣以東密邇郡城全同洛風縣以

西生長山林間有好鬪輕生者以上俱節錄舊府志



方言附

家謂之屋屋蓋阿字韻會小補阿音屋古詩家中有阿誰世說新語一門則有阿大中郎俗本謂阿家省作阿

廳事謂之過庭過庭謂之家塾說文云廷朝中也庭宮中也古者廷不屋後世屋之加广焉實無二記曰家有塾夾門堂曰塾今過庭中爲門屏開閉卽古夾門塾以坐客曰家塾客

輿謂之疙嫪蓋切音也唐韻輿烏到切並同

闕謂之門舊匡謬正俗曰爾雅柝謂之闕郭注門限音切今言門闕是柝聲之轉字宜爲柝而作切音

承塵謂之仰塵周禮注帟謂承塵通雅覆海藻井也一曰闕  
八蓋謂重出飛簷升菴以爲天花版亦曰承塵

簷謂之連簷一作斲斲謂之亂景純曰卽屋穩

倚木謂之木菴結草謂之草菴論語諒闇謂居倚廬鄭元讀  
如鷓鴣之鷓後漢皇甫規身入菴廬巡視三軍感悅今亭

館結菴有四壁垂簷民間乃專謂兩下若斧形者爲菴子

猶存古倚廬爲闔遺制軍中用布爲菴廬並同此制

以上官室

帽著首處謂之頰詩小雅有頰者弁毛傳弁貌綠詩辭生解  
耳鄭注禮緇布冠餽項讀政爲頰冠無筭者用頰通典古  
者有冠無幘其戴也加首有頰所以安物

衣長謂之禱裸禱音朶通雅漢以無袂衣曰禱今以長者爲禱正相反

短衫謂之禱答通雅隋服半除唐減爲半臂宋尚背子元以來女服禱子命婦服金笏子

袂禱謂之套袴方言大袴謂之倒頓小袴謂之袂禱郭注倒頓今電袴袂禱今禱袴

犢鼻褌謂之圍屛屛前漢書相如身自著犢鼻褌與傭保雜作方言無禱之袴謂之禱郭注禱同褌袴之兩股曰褌無禱袴無股袴也滌器恐汚衣著之

純謂之袞書顧命蔑席黼純儀禮士冠服纁裳純衣士喪冬

皮屨夏葛屨皆有縹純曲禮冠衣不純素純俱音準謂緣邊也今人謂緣邊爲袞邊通雅純一音袞

鉤邊謂之爭縫禮深衣鉤邊謂既合縫摺而縫之

偏諸謂之楣識賈誼傳繞以偏諸緣謂織成錦以緣衣今俗

謂衣前對襟爲門門轉楣別以織緇緣邊爲識音志

以上衣服

酒不入水謂之乾酢酢音許酒譜張藉詩云釀酒愛乾和今人不入水酒名曰乾酢酒

釀酒入酵謂之酸抱朴子一酸之酒不可以方九醞之醇齊

民要術桑落酒有六七投集韻酒再釀爲酸今不必再釀

在入酵卽曰酸謂作酵時已經一釀

燒酒謂之明流飲饜正耍燒酒之法自元始

不托謂之餅薄夜謂之薄餅小餅謂之飀子五代史李茂真傳一日食不托不托當時語也今謂之餅荀氏四時列饌傳夏祀以薄夜代饅頭東晉言春饅頭夏薄托則薄夜卽薄托薄托卽薄餅也方言餅謂之飀餅飀本通稱今則專以起麵入稀糖作餅爲飀子

水引謂之麵條出湯謂之乾汁

饅頭謂之蒸食裏肉菜蒸之謂之包子燕翼貽謀錄仁宗誕日賜包子卽饅頭

饅餛有耳者謂之扁食通雅饅餛本渾沌之轉包裹渾圓不

作耳今或有耳似扁蝠故曰扁食扁食亦曰餃餌

粬粬謂之油食楚辭粬粬注吳謂之膏環亦曰寒具通俗文曰寒具謂之餠一曰安乾

糲子謂之餛子通雅南史虞棕作扁米糲卽今餛子

起麵謂之發麵周禮醢食賈疏以爲起膠餅齊書永明九年詔大廟薦起麵餅注今發酵也通雅按韋巨源食單有婆羅門輕高麵正籠蒸饅頭發酵浮起今發麵有蒸有餅蒸者輕高也餅者起膠也

涼飲謂之水飯周禮漿人掌共六飲有涼鄭氏謂糲糲飯于水以爲飲卽今水飯湯

殺謂之肘豢謂之片炙謂之燒田禮左殺右豢膾炙處外鄭氏曰殺骨體也豢切肉也今骨體貴前肘故曰肘切肉爲片亦曰白片炙肉在火上今煎以膏曰燒代炙也

淳熬謂之炒飯內則煎醢加于陸稻上沃之以膏曰淳熬煎醢加于黍食上沃之以膏曰淳母今炒乾飯用油沃之

擣珍謂之捶肉內則擣珍取牛羊麋鹿麇之肉必胾每物與牛若一捶反側之去其餌熟出之去其醃柔其肉鄭氏曰胾脊側肉今捶肉以雞爲上品

糝謂之鮓周禮糝食內則曰糝取牛羊豕肉三如一小切之稻米二肉一合以爲餌煎之糝鮓音轉耳或爲丸曰丸子

肉謂之輟讀柔去聲

歛謂之哈淮南子說論訓嘗一哈水而甘苦知矣哈呼合切  
大歛也

齧謂之墜曲禮削瓜庶人齧之音紇轉爲墜

釀謂之平和禮器曾子曰周禮其猶釀與注合錢飲酒爲釀  
今平和讀去聲亦釀聲之轉以上飲食

車輪謂之孤輪孤轂之轉考工記注轂衆輻所湊

輗謂之顏條輗顏聲轉

耜謂之茱通雅急就注有曲把茱鋤茱下瓜切前未見此字

亦顏氏耳熟鄉語

鑿謂之杅虛嚴切鑿從金杅從木自別今俗鐵鑿木杅皆曰杅

銚鑷謂之鑪通雅鑷釜也鑪土鑿也鑷曾戈切鑿候抱切顏師古曰鑿小釜也今烙餅平鍋呼爲鑪

甌蔽謂之算說文算蔽也所以蔽甌底又考工記注輪算則車行不掉疑漢人見算形中卑邊高遂狀輪如此乃不掉耳

閣謂之立櫃記曰大夫七十而有閣閣者版格以度膳羞案謂之棹棹櫂同當作卓元史大定七年肆赦儀設雞盤置金雞脚赦書于應天門外設卓子

座謂之椅椅本木名當作倚宋鹵簿有金倚楊億談苑咸平

景德中主家造檀香倚以上器用

祖謂之爺玉篇俗呼父爲爺何得稱祖蓋祖稱王父大父俗始呼祖爲大爺後省大字但呼爺爲祖專稱

祖母謂之奶奶通雅李賀稱母阿嬭或呼爲嬭因作奶旣稱母爲奶因聲稱祖母爲奶奶

父謂之爹南史梁始興王憺傳詔徵還朝人歌曰始興王人

昌黎集阿爹阿八

母謂之孃小孃謂之媽木蘭詩不聞耶孃喚女聲媽音姥俗

讀若馬平聲又稱母爲奶後漢順烈皇后名奶

伯母謂之大孃叔母謂之嬖母爾雅父之兄妻爲世母父之弟妻爲叔母嬖爲世母合音亦叔母合音之轉

伯母亦謂之嫵嫵上聲本爲母母呂東萊紫微雜記言呂氏母母受嬖房婢拜嬖見母母房婢拜卽答

姑謂之古廣韻姑古胡切今或連言古○郡母平聲亦切音也古○又省作古

兄謂之哥哥謂之哥翹二字切哥廣韻哥古歌字今人以呼兄

妻謂之家里沈約山陰柳家女詩還家問鄉里詎堪持作夫  
鄉里謂妻也南史張彪呼妻曰我不忍令鄉里落他處姚

寬曰今人言家里其意同或作家裏亦稱屋裏

舅母謂之姪通雅巨今切亦作媵張耒明道襍志曰王聖美  
言經傳無媵與姪字考其說媵字乃世母二合姪字乃舅  
母二合也 以上親屬

雨謂之下風謂之刮

雨入地謂之商蓋濕字平聲河南無入聲故讀濕爲商

昨日謂之夜一謂夜前一日也又但母夜讀爲捱兒合音  
前日謂之前讀爲前兒合音

明日謂之明主維詩明當渡京水昨晚猶金谷唐人已省明  
日爲明

午前謂之前半上午後謂之後半上讀上聲蓋俗謂作功爲上功故謂半日爲半上

高岡謂之甌地土高謂之坵壟山腰平處謂之坪

一謂之約讀作平聲二讀作良假切蓋兩字之轉音三讀作沙四讀爲四個合音五讀作卧上聲六讀作羅七讀爲雀河合音八讀拔平聲九讀爲角左合音十讀作芍

三里謂之散里又君子之君多讀作去聲蓋陽平聲清配齒與半齒之清音則剽而不留讀作去聲乃不嫌過清

以手循取謂之捋讀若律詩捋采其劉又猗彼女桑折中曰循條彙取曰捋取葉存條曰猗二字義同捋音劣猗音倚

俗讀捋若律蓋劣倚合音耳

以手拔取謂之薺詩以薺荼蓼音近蒿又薺作茛唐書茛刺  
無休

如何謂之怎讀作詐上聲不如是謂之不讀作飽平聲又謂  
之休讀作薺

恁地謂之納恁爲寧馨合音納爲恁地合音

此時謂之如今如今謂之而今而今謂之然晚春秋星隕如  
雨作星隕而雨如而通又如之爲言然也以今爲晚者謂  
前生稱也

大笑謂之歌歌亨下說文吹吹戲笑貌

驚訝謂之駭頤讀若和牙史記陳涉世家駭頤涉之爲王沈  
沈者涉陽城人其故人方言如此今猶存其聲

縫謂之敷音聊書善敷乃甲

緝謂之緞毗連切俗作上聲賈誼傳作緹

食染醯醬謂之屨音贊內則注膏煎稻米似今膏屨通雅以  
醬醯贊物當是屨字

以木撐屋謂之竿音箭以泥坐瓦謂之窰五化切

精謂之鯽令就謂之鯽溜孔謂之窟籠皆切音

可惡謂之恟讀扣平聲亦合音

愛見謂之代見愛代聲轉

匍匐謂之跣音杷

蹙謂之疋列切音之轉

呼雞謂之啾啾讀作顧顧呼猪謂之嘯嘯讀作櫛櫛呼猫謂之密密讀作平聲猫轉音呼狗謂之罟罟入聲

底謂之篤郭璞海外大壑讚爰有大壑號爲無底讀都木切韻會屋韻有底以上雜記

河南府志卷之二十七

物產志

成周風雨和會之區其山川清淑磅礴鍾毓靈竒不獨在人也物亦有之然職方但紀林漆絲枲六擾五種而山海經于泰少伊洛各紀竒禽怪獸異草木焉咄咄駭人耳目抑又何也蓋職方紀其常已備于他州則異者可不紀山海紀其異皆歸于實用則常者可不紀今紀物產先其常者次其異者而中土生殖之繁又不可勝紀廼雜采諸書必求有所依據而後登之非能備物務欲徵信焉耳志物產

穀部

黍

周禮職方氏豫州其穀宜五種注一曰黍

稷

周禮注豫州五種一曰稷

按說文稷卽稌亦謂之麩通志稷苗穗似蘆而米可食今並蜀黍俗呼玉麩黍似蘆葉間有苞上垂鬚苞拆子出有赤白二種于說文謂麩通志謂似蘆正合至孫炎謂稷卽粟吳瑞以爲蘆稷李時珍以爲黑黍不知粟梁也蘆稷秣也黑黍秣也三者與稷並列六穀而非稷

麥

周禮注豫州五種一曰麥 戰國策西周不下水東周

皆種麥

唐書開元十二年河南府壽安縣人劉懷家有

太麥六畝先熟與衆麥殊色中有兩岐三岐四岐六岐者

梁

本草綱目汴洛河陝間多種白梁而青黃稀有

按梁令俗呼穀子種類數十有青赤黃白黑諸色早熟有趕麥黃百日糧中則有八月黃老軍頭晚則有雁頭青寒露粟等名又淮南子洛水輕利而宜禾禾者穀苗之通名而俗專以梁爲秋禾

稻

周禮注豫州五種一曰稻

戰國策西周下水東周復

種稻

菽

周禮注豫州五種一曰菽

世說石崇爲客作豆粥

按菽者豆之總名今有豌豆豇豆匾豆菜豆並白黃黑諸豆又有大者名羊眼豆卽戎菽

秫

本草綱目秫爾雅名衆北土多以釀酒

按秫俗名高粱又名蜀黍卽秫之合音本草以爲得種自蜀誤

麻

詩王風邱中有麻

按通雅麻列五穀周禮蕡熬藁實非火麻也蓋其時已有白油麻張騫得西域油麻種乃八稜黑麻一名巨勝

蔬部

韭

潘岳閒居賦退而閒居于洛之浹菜則蔥韭蒜芋

茄

藍記李崇食止韭薤崇客語人曰李令公一食十八種謂

一二韭一十八

蔥

唐類函晉令洛陽內園菜欲以當課者聽其引長流灌

紫蔥可各三畝

菘

本草綱目舊說北土無菘今京洛種菘都類南種白菘

卽白菜紫菘卽蘆菘

茄

大業雜記四年至東都改茄子爲崑崙紫瓜

山藥

本草綱目薯蕷生嵩高山谷二八月采根唐避諱改

薯藥宋又避諱改山藥

薤  
〔閒居賦〕白薤負霜

按薤說文作薤似韭生山中者名薤本草非葉中實而扁薤葉中空似細蔥而有稜今呼小蒜不充園蔬

薺  
〔明皇雜錄〕高力士薺詩兩京作斤賣

藟荷  
〔閒居賦〕藟荷依陰〔注〕菜似薑宜陰翳地

蒜  
〔閒居賦〕菜則有蒜〔本草綱目〕蒜八月種春食苗夏初

食苔五月食根秋月收種北人不可一日無

黃瓜  
〔本草綱目〕張騫使西域得種名胡瓜隋大業四年帝

至東都改胡瓜爲黃瓜並見大業雜記

冬瓜  
〔本草綱目〕白瓜生嵩高平澤冬瓜也今園圃蒔之

苜蓿

述異記張騫苜蓿園在洛陽騫始於西國得之

伽

藍記洛陽大夏門東北爲光風園苜蓿出焉

芸蕨

拾遺記咸寧四年立芳蔬園於金鏞城東有菜名芸

蕨春夏葉密秋藥冬馥其實若珠五色隨時而盛一名芸

芝色紫爲上蔬其味辛色黃爲中蔬其味甘色青者爲下

蔬其味鹹常以三蔬供御膳

按陸璣詩疏蕨山菜初生似蒜莖紫黑色可食如葵蒿下人名拳菜芸蕨乃異種

白蒿

詩召南于以采芣陸璣蔬藜蒿今白蒿可蒸食

毛女菜

嵩書毛女菜初春野生嵩山有毛女世傳其仙或

其遺種

菌 〔山海經〕少室之山百草木成困

按困當作菌爾雅中燹菌註地輩也似葢莊子謂之朝菌俗呼磨菰

藥部

石菖蒲 〔神仙傳〕漢武帝上嵩高見仙人曰聞中岳有石上

菖蒲一寸九節食之可以長生故來采之忽然不見

茯苓 〔嘉祐本草〕范子計然言茯苓出嵩山松脂入地千歲

爲茯苓

黃精 〔唐地理志〕河南府貢黃精 〔本草綱目〕以得坤土之

精粹故名黃精又名戊巳芝仙人餘糧生嵩山者佳

朮 〔圖經本草〕以茅山嵩山者爲佳

按爾雅木山薊本草衍義曰本絕  
止言木不分蒼白二種亦宜兩審

何首烏

圖經本草在處有之以西洛嵩山爲勝唐李翱有

何首烏傳

麥門冬

別錄生函谷川谷

天門冬

抱朴子在東岳名滹羊藿在中岳名天門冬

蒼耳

圖經本草詩卷耳爾雅謂之蒼耳廣雅謂之藁耳康

咸以爲胡藁博物志云洛中有人驅羊入蜀胡藁子多刺

粘綴羊毛遂至中國故名羊負來

按蒼耳俗  
呼杖科

車前

詩周南采采芣苢陸璣疏今車前子

益母

詩王風

中谷有藿

陸璣疏

方莖白華

華生節間

今益

母也

細辛

山海經

浮戲之山

上多少辛

郭注

細辛也

遠志

本草綱目

苗名小草

河洛州郡

有之

升麻

開寶本草

嵩高生者

色青

桔梗

別錄

生嵩高山谷

二月采根

款冬

述征記

洛水至歲末

凝厲則款冬

花茂于層冰之中

茱萸

晉宮闈名

華林園茱萸

三十六株

貫衆

別錄

生少室山

二月八日采根

赤箭

別錄

生少室山

三月四月八月采根

天雄

〔別錄〕生少室山谷二月采根

蕘花

〔本草衍義〕京洛間甚多

著實

〔別錄〕著生少室山谷八月九月采實

按著神草也生便條直異於蒿秋後花出枝端紅紫色狀似菊結實如艾實張華博物志以耒夫於本者爲著

楮實

〔別錄〕生少室山八月九月采實

按酉陽雜俎有楮曰楮無日構今俗通名構實曰構桃

瓜蒂

〔別錄〕瓜蒂生嵩高平澤七月七日采之

〔圖經本草〕

甜瓜蒂入藥用早青爲良

冬葵子

〔別錄〕生少室山陶注秋葵覆養經冬至春作子謂

之冬葵子

南燭草木

〔圖經本草〕其種是木而似草故號南燭草木生

嵩高少室

草石蠶

〔食物本草〕草食蠶稱甘露子生嵩山石上

防葵

〔本草經〕生嵩山

白頭翁

〔本草經〕生嵩山山谷及田野

石鍾乳

〔別錄〕生少室山谷

按河圖玉版少室有白玉膏抱朴子嵩山石戶有石蜜  
芝嵩高記嵩山石室前承露盤中有石脂皆鍾乳之類

礪石

〔別錄〕生少室采無時

果部

桃

〔晉宮閣名〕華林園桃七百三十八株白桃三株侯桃三

株 〔酉陽雜俎〕洛陽華林園內有冬桃十月始熟形如括

萁食之解勞一名王母桃 〔淵鑑類函〕洛陽人家寒食食

桃花粥 〔洛陽花木記〕桃之別三十有大御桃金桃

李 〔洛陽宮殿簿〕洛陽有李間堂皇 〔閒居賦〕房陵朱仲之

李 〔韋述兩京記〕東都嘉慶坊有李其實甘鮮爲京都之

美稱嘉慶李 〔洛陽花木記〕李之別二十七有牛心李冬

李

梅 〔閒居賦〕梅杏郁棣之屬繁榮麗藻之餘 〔洛陽名園記〕

宋大隱莊早梅香甚烈而大 〔李通志〕府治後有梅六株

名堂曰梅花堂元熊世德有記

杏

〔晉宮閣名〕明光殿杏八株

〔洛陽宮殿簿〕含章殿前杏

四株顯陽殿前杏六株

〔唐類函〕朱超石與兄書光武墳

邊杏甚美

〔嵩高山記〕嵩東北有牛山多杏五月爛然黃

茂遇饑百姓資此爲命

〔洛陽花木記〕杏之別十六

櫻桃

〔拾遺錄〕漢明帝月夜宴羣臣大官進櫻桃以赤瑛爲

盤賜羣臣月下視之盤與桃同色羣臣皆笑云是空盤

〔晉宮閣名〕式乾殿前櫻桃二株含章殿前櫻桃一株華林

園櫻桃二百七十株

〔大業雜記〕天津街道旁植櫻桃

〔洛陽花木記〕櫻桃之別十一有臘嘴櫻桃急溜子

櫨橘

〔說文〕伊尹曰果之美者箕山之東青鳧之所有櫨橘

焉

按呂覽曰箕山之東有甘櫨類爾引作箕山之東有甘櫨據上林賦盧橘夏熟而櫨梨則熟於秋本非一物櫨櫨字相似常有誤

林檎

〔洛陽花木記〕林檎之別六有花紅林檎轉身林檎

柰

〔晉宮閣名〕華林園有白柰四百株

〔洛陽宮殿簿〕洛陽

有柰間堂皇

〔伽藍記〕白馬寺柰實重七斤

〔洛陽花木

記〕柰之別十有紅柰大秋子小秋子

蒲萄

〔晉宮閣名〕華林園蒲萄百七十八株

〔伽藍記〕白馬

寺浮圖前蒲萄異於餘處實大於棗味殊美冠於中京

〔大業雜記〕儀鸞殿南有蒲萄架四行行長百步

梨 [閩居賦]張公大谷之梨 [注]廣志曰洛陽北邙山有張公

夏梨甚甘海內惟有一樹 [伽藍記]勸學里園內有含消

梨重十斤從樹投地盡化爲水 [唐餘錄]洛陽梨花開時

人多携酒樹下謂梨花洗粧晏

石榴 [伽藍記]白馬寺有大榴京師語曰白馬甜榴一實直

牛 [花史]石崇金谷園有石榴名石崇榴 [洛陽花木記]

石榴之別九有黃石榴水晶甜榴銀含稜石榴 假師出

棗 [晉宮閣名]華林園棗六十六株王母棗十四株 [伽藍

記]百果園有仙人棗長五寸把之兩頭俱出核細如鍼霜

降乃熟曰王母棗 [唐地理志]河南府貢酸棗

栗 呂覽伊尹曰果之美者箕山之栗

晉宮閣名華林園

有栗一株侯栗六株

胡桃

晉宮閣名華林園胡桃八十四株

格物論胡桃生

北土陝洛間多有之大株厚葉多陰實青瓢白味甘

梳

晉宮閣名華林園梳六十七株暉章殿前梳一株

閒

居賦梁侯烏裨之梳

按河南屬縣多梳然皆以軟棗接成軟棗乃羊棗也接成種類不一有雁過紅入黃造梳牛心梳火梳俗用釀酒曰高枝酒燥乾曰凍餅取梳霜作饅曰梳華饅

郁李

閒居賦注郁今之郁李張楫上林賦注曰莫山李也

郁莫音義同

晉宮閣名華林園車下李三百十株莫

李一株

棣 閒居賦注 棣山櫻桃也

橘 晉宮閣名 華林園橘十株

按淮南子橘生江北爲枳今洛下花木有橘自晉時已然

芭蕉 晉宮閣名 華林園有芭蕉二株

按芭蕉有角子剥其皮色黃白味似葡萄亦飽人

木瓜 洛陽花木記 木瓜之別五有山木瓜軟條木瓜

瓜 拾遺記 明帝霜林園有王公之瓜 舊唐書 唐高宗四

月憶瓜明崇儼索百錢須臾以瓜獻曰得之緱氏老人圃  
中帝召老人問故曰埋一瓜失之土中得百錢

按瓜無部居本類而入果部而以黃瓜冬瓜入蔬部甜瓜帶入藥部

花部

牡丹

〔龍城異人錄〕武后詔遊後苑百花俱開牡丹獨遲遂貶於洛陽故洛陽牡丹冠天下

〔歐陽修花品敘〕牡丹出

洛陽者爲天下第一

〔洛陽花木記〕范公所述五十二品

可攷者三十八歐陽所錄二篇敘錢思公雙桂樓下小屏

中所錄九十餘種其名品莫得而見余所見牡丹凡百餘

品千葉黃花十紅花三十四紫花十緋花一白花四千葉

凡五十九品多葉紅花三十二紫花十四黃花三白花一

多葉凡五十品

〔洛陽牡丹記〕姚黃出北邙山白司馬坂

姚氏家靳黃出靳氏圃牛家黃洛民牛氏獻於淑景亭賞  
花宴女真黃出洛民銀李氏園獻于大尹潞公御袍黃出  
應天院神御花圃魏花出晉相魏仁溥園洛人謂姚黃爲  
王魏花爲后岳山紅出嵩岳金繫腰黃花上有金線出緜  
氏山壽安紅出壽安錦屏山洗妝紅劉伯壽命名雙頭紅  
雙頭紫唯應天院有之大宋紫出永寧大宋川玉樓春出  
河清縣左氏家一百五者白花寒食開最先

芍藥

〔本草經〕芍藥生中岳

〔洛陽花木記〕千葉黃花十六

千葉紅花十六千葉紫花六千葉白花二千葉緋花一其  
黃者有新安黃壽安黃溫家黃郭家黃

海棠

〔洛陽花木記〕

有川海棠垂絲海棠杜海棠黃海棠繡

綿海棠南海棠

〔王禹偁詩話〕

在崇曰汝若能香當以金

屋貯汝

按海棠有草本秋開者  
名八月春亦曰秋海棠

辛夷

〔平泉雜詠〕昔年將出谷幾日對辛夷倚樹憐芳意攀

條惜歲滋

〔羣芳譜〕辛夷一名木筆

木蘭

〔洛陽花木記〕

木蘭似木筆但木蘭與牡丹同時發木

筆花正月初發

紫荆

〔山堂肆考〕

田真兄弟三人和好庭前紫荆花敷榮茂

盛一日兄弟分析花亦憔悴因感悟復同居花繁茂如故

千葉桃

洛陽花木記有千葉纏桃千葉緋桃千葉碧桃又

有合歡桃朶上二色

紫薇

洛陽花木記有紅薇緋薇紫薇

玉藥

李德裕詩玉藥天中樹

羣芳譜衛公以玉藥爲瓊

花

木槿

晉宮閣名華林園有木槿三株

瑞香

洛陽花木記有紫瑞香黃瑞香

躑躅

洛陽花木記映山紅卽紅躑躅

玫瑰

羣芳譜細葉多刺類薔薇色紫嵩山深處有碧色者

按洛陽花木記刺花三十七種有黃玫瑰穿心玫瑰別有薔薇數種刺紅月季數種荼縻數種及寶相木香

山茶 [洛陽花木記] 山茶臘月開晚山茶寒食開又有粉紅  
山茶白山茶

蠟梅 [范成大梅譜] 非梅種與梅同時而香又近之洛陽蠟  
梅九英人言臘時開故以臘名非也爲色似黃蠟耳出自  
河南者名馨口色香形皆第一狗纓爲下

茉莉 [洛陽名園記] 一名抹厲王十朋作沒利洪景盧作末  
麗皆以己意名之

雞冠 [花史] 宋時洛中謂雞冠花爲洗手花中元節前兒童  
鳴賣以供祖先

凌霄 [羣芳譜] 富鄭公居洛園中凌霄花無所附而特起歲

久遂成大樹高數尋

蜀葵

〔洛陽花木記〕有剪稜蜀葵鵝黃蜀葵九心蜀葵千葉

緋葵千葉紫葵千葉紅葵

石竹子

〔羣芳譜〕草品纖細而青翠花有五色單葉千葉又

有剪絨一云千葉瓣者名洛陽花

〔通雅〕今名洛陽錦

山丹

〔洛陽花木記〕有白山丹紅百合黃百合

按羣芳譜山丹花小于百合開花甚紅一名紅百合與百合別然花木記有白山丹已通爲一類

菊

〔洛陽花木記〕有毬子菊地蒿菊金鈴菊青心菊碧菊千

葉晚菊萬翎菊又金錢菊一名夏菊

迎輦

〔顏師古隋遺錄〕嵩山塢中有合蒂花採者異而貢之

會帝駕適至因以迎輦名之花外紫內素粉葢類通草嗅其香令人不睡帝令寶兒持之號司花女表同春館

荷

〔拾遺記〕漢靈帝西園池中植蓮大如蓋其葉夜舒晝卷

一莖有四蓮叢生名曰夜舒荷〔平泉草木記〕荷有蘋洲

重臺蓮芙蓉湖白蓮〔洛陽花木記〕有玉骨塚紅樓子碧

蓮穿心蓮瑞蓮一名朱沙穀雙頭蓮佛頭蓮朝日蓮出李

駙馬園千葉珠子蓮釵頭蓮又草花有金蓮出嵩山

水紅

〔洛陽花木記〕有家水紅開白餘日

按詩隰有游龍卽水紅花

華平

〔張衡東京賦〕植華平於春圃〔注〕華平瑞木天下平其

華則平有不平則向其方傾孝經援神契德至於地則華平盛瑞應圖曰木名也宮閣記有春王圃

按通雅引援神契王者德至地則華萃感注云炊頭並  
以華平爲華萃改木花爲水花同出一書所見異詞並  
附以  
備攷

草部

蘭

〔東京賦〕秋蘭漙

〔平泉雜詠〕蕙草春已碧蘭花秋更紅

〔洛陽花木記〕有春蘭秋蘭又有黃蘭出嵩山

芸香

〔洛陽宮殿簿〕顯陽殿前芸香一株徽音殿前芸香二

株含英殿前芸香二株

〔晉宮閣名〕太極殿前芸香四畦

式乾殿前芸香八畦顯揚殿前芸香二畦

萱 洛陽花木記有鵝黃萱草大山萱草千葉萱草四季萱

草糙萱草北極萱草

葛 詩王風彼采葛兮 唐地理志河南府貢葛 名勝志

洛陽香山產香葛

苧 山海經穀山爽水出焉郭注世謂之苧麻澗

泉 書禹貢豫州厥貢泉

按麻葛爲布皆產豫土今河南高燥地率種棉而女紅無麻葛

蒲 水經注蒲池水出南蒲陂

蘋 東都賦發蘋藻以潛魚

苔 羣芳譜石崇砌上就苔蘚刻百花飾以金玉曰壺中之

景不過如是

艾 詩王風彼采艾兮

荻蒿 毛詩名物鈔王風采葛二章蕭荻蒿艾蒿本爾雅

注疏

茅 詩召南白茅包之

菑 山海經鼈山其陰多菑郭注茅菑今之菑草也

壽榮草 典術壽榮草出少室金山邱下服之令人不老服

其葉可通百神

蕃草 山海經秦室之山有草焉其狀如茱白華黑實澤如

蓼莫其名曰蕃草又姑媯之山帝女死焉其名曰女尸化

爲蒔草其葉胥成其華黃其實如菟邱服之媚於人郭讚  
蒔草黃華實如菟絲君子是佩人服媚之帝女所化其理  
難思

按蒔草有二生嵩山者今呼嵩參花實如山海經所載  
生姑媯山者郭注一名荒夫草與嵩山蒔草異或疑郭  
璞讚姑媯蒔草不及嵩山蒔草意郭蒔草讚卽嵩山蒔  
草據山海經蒔草生少陘山赤莖白華實如蓂莢嵩山  
蒔草非赤莖且經謂蒔草澤如蓂莢但言子滑澤  
如蓂莢非謂子大如蓂莢郭自讚蒔草非蒔草

嘉榮 山海經平石之山有草焉生而秀其高丈餘赤葉赤  
華華而不實其名曰嘉榮服之者不寤郭讚寤維天精動  
心駭目曷以禦之嘉榮是服所正者神用口腸腹

牛傷

山海經大磬之山有草焉其狀葉如榆方莖而蒼傷

其名曰牛傷其根蒼文服者不厥郭注牛傷猶言牛棘

鬼草山海經牛首之山有草焉其葉如葵而赤莖其秀如

禾服之不憂

荀草山海經青要之山有草焉其狀如蕞而方莖黃華赤

實其本如藁本名曰荀草服之美人色郭注或曰荀草

無條山海經苦山有草焉員葉而無莖赤華而不實名曰

無條服之不癯

木部

松西京雜記東都龍興觀有古松樹枝偃倒垂相傳云已

經千年常有白鶴飛止其間嵩高山記嵩岳有大松或

百歲千歲其精變爲青牛或爲伏龜採食其實得長生

〔曲洧舊聞〕中嶽頂上松榦如插筆其間數株上巨下細柯

似枯槎皮或剝落僧云是嶽神爲珪禪師夜移天將曉其

鬼兵懼遽倒植之而去〔名園記〕洛陽松島皆數百年松

其東南隅雙松尤奇〔酉陽雜俎〕洛中有魚甲松〔平泉

草木記〕有金松

栢〔廣博物志〕嵩陽觀東古栢三株積翠婆娑可愛中有一

株尤天石刻曰漢武帝封大將軍〔抱朴子〕嵩山大谷倒

生之栢皆與天齊其長地等其久〔平泉草木記〕有金陵

珠栢茆山側栢宜春柳栢藍田龍栢

檜

賈氏談錄平泉有雁翅檜

名園記洛陽愛栝而敬松

董氏東園有栝可十圍實小如松實而甘香過之

按栝與檜同栝葉松身

曰檜松葉栝身曰樅

槐

嵩書少林寺經閣後有大槐秦時所植宋潞公詩五品

封槐今尚在

庾儵大槐賦有殊世之奇樹生中岳之重

阿

楸

曹子建名都篇走馬長楸間

按木理白者爲梓赤者爲楸梓之美文者爲楸楸之小者爲榎古今注梓實曰豫章

桂

異物志桂植在乎嵩岳 一品集平泉莊有剡溪之紅

桂種山之月桂曲阿之山桂永嘉之紫桂剡中之真紅桂

東陽之牡桂

甘棠

〔水經注〕

河南陸渾縣故城西北世人目其所爲甘棠

焉陸璣詩疏白棠甘棠也少酢滑美赤棠澁酢無味

桑

〔水經注〕

有莘氏女采桑於伊川得嬰兒於空桑殷以爲

尹曰伊尹

〔伽藍記〕洛中願會寺桑凡五重每重葉椹各

異謂之禪桑

榆

〔晉宮閣名〕

華林園榆十九株

桐

〔北史〕

元魏孝文宴侍臣于清徽堂日宴移于流化池芳

林下帝仰觀桐葉之茂令崔光讀羣臣應制詩

楊柳

〔詩王風〕

東蒲疏蒲柳有兩種皮正青者曰小楊皮紅

者曰大楊葉皆長廣可爲箭幹

檇  
河洛記洛陽北邙山有古檇樹不知其來早晚婆娑周  
迴四五畝與伊闕正南相當越公等建都城之日據此樹  
爲南北定准嫌檇木名惡號曰婆娑羅樹

按檇檇栲  
一木三名

櫟  
後漢書李恂詣洛陽時歲荒司空張敏司徒魯等各遣

子餽糧悉無所受徙居新闕下拾櫟實以自資

櫟櫟實

榭  
唐書后妃傳唐武后禪少室壇南有大榭樹赦日置金

雞其杪賜號金雞樹

漆  
書禹貢豫州厥貢漆

阜莢 洛陽宮殿簿建始殿前槐及阜莢二十株

冬青 洛陽宮殿簿明光殿前長生二株含章殿前長生一

株 晉宮閣名華林園有萬年樹十四株女貞一株

按冬青一名萬年樹一名長生女貞其別種葉團子赤爲冬青葉長子黑爲女貞

檮 釋氏通鑑傳大士問嵩頭陀修道之地嵩指崧山雙檮

樹

槭 蕭頴士詩序二室之間有槭樹焉與江南楓形胥類

茶樹 李通志鞏縣趙封山宋人采茶於此

貝多 花木志思惟樹漢時有道人自西域來持貝多子植

於嵩之西峰下後極高大樹四株一年三花

杪欏

韻會跋跂開翔少林自西域將杪欏子來種方丈後

名菩提樹

歐陽修詩伊洛多佳木娑羅舊得名

薺棘

山海經合谷之山是多薺棘

彫棠

山海經陰山其中多彫棠葉如榆葉而方實如赤菽

食之已蠶

蔓居木

山海經宜蘇之山其下多蔓居之木

柳楮

山海經廆山其西有谷焉名曰萑谷其木多柳楮

按柳楮二木但山海經特載異木不列常產當合爲木名

黃棘

山海經苦山有木焉名曰黃棘黃華而員葉其實如

蘭服之不字

天楸

山海經堵山有木焉名曰天楸方莖而葵狀服者不

郭注食不噎也

蒙木

山海經放臯之山有木焉其葉如槐黃華而不實名

曰蒙木服之不惑

帝休

山海經少室之山有木焉名曰帝休葉狀如楊其枝

五衢黃華黑實服者不怒郭讚帝休之樹厥枝交對竦本

少室會陰雲霧君子服之匪怒伊愛

栒木

山海經秦室之山有木焉葉狀如梨而赤理其名曰

栒木服者不妬郭讚爰有嘉樹厥名曰栒薄言采之窈窕

是服君子維歡家無反目

按檉木今萬  
下呼黃奴材

柘

〔山海經〕講山其上多柘

帝屋

〔山海經〕講山有木焉名曰帝屋葉狀如椒反傷赤實

可以禦凶

亢木

〔山海經〕浮戲之山有木焉葉狀如檉而赤實名曰亢

木食之不蠱

竹

〔玉泉記〕立春日取宜陽金門山竹爲管河內葭草爲灰

以候陽氣

〔山海經〕長石之山有谷焉名曰共谷多竹

〔河圖〕少室之山大竹堪爲甌噐

〔東京賦〕永安離宮修竹

冬青

〔述異記〕漢章帝三年子母竹筍生白虎殿前謂之

孝竹羣臣作孝竹頌

司馬光獨樂園記多植美竹為清

暑之所名曰種竹齋

名園記富鄭公園大竹中橫為洞

一曰土筠縱為洞三曰水筠曰石筠曰榭筠

按爾雅釋草有竹類  
函附木部後今從之

鳥部

翬

爾雅伊洛而南素質五彩皆備成章曰翬刑疏周禮內

司服王后之服禕衣言刻繪畫翬綴於衣以為文章

按雉有兩種在山木棲者尾長善鬪俗呼雉  
雞居田隴間者尾短亦備五色俗呼野雞

鷓鴣

淵鑑類函河南伊闕臨大溪每僚佐入臺者則溪水

中先有小灘漲出牛乳為縣尉一旦忽報灘出翼日邑

宰與同僚列宴於亭上觀之因召老宿備詢其事有老吏云此必分司若是西臺灘上當有鴻鵠一雙僧孺潛揣縣僚無出已者因舉杯曰既有灘何惜一雙鴻鵠宴未終鴻鵠一雙飛下旬日拜西臺御史

按通雅杏黃色頭戴白毛長尾翅黑者謂之鴛鴦五采纓者謂之鸚鵡

睢鳩

東京賦睢鳩麗黃關關嚶嚶注睢鳩王睢

按通雅睢鳩鴛鴦之類非鸚鵡也

黃鸝

東京賦注鶯鶯黃郭璞曰鸝黃黑色

按陸璣詩疏黃鳥謂之黃栗留亦謂之黃鸝今俗呼黃六蓋栗留之合音爲六耳

鳩鳩

方言鳩自關而東周鄭之郊謂之郎宰其大者謂之

鴝鳩

按鴝音斑一名布穀詩疏鳩多不能爲巢居鵲巢中今見鴝鳩皆別爲巢纔架數莖便足無居鵲巢者則召南謂居鵲巢者非鴝鳩乃鵲也月令仲春之月鷹化爲鳩夏小正傳鷹者其殺之時也鳩者非其殺之時也列子曰鴝爲布穀布穀復爲鵲蓋物類相化有形化有性化田鼠化鴝雉爲蜃爲形化鷹化鳩爲性化鷹鴝同類得通名詩謂鳩居鵲巢卽指鴝爲言以其不殺故不曰鴝而曰鳩如月令所謂鷹化爲鳩列子所謂鴝爲布穀也

鴝鳩

東京賦鴝鳩春鳴注爾雅鴝鳩鴝鳩郭璞云似山鵲

頭尾青黑色

按本草鴝鳩其鳴云鈎輞格磔又曰架架格格古鳴喚起今俗呼鴝雞又呼叱批鴝

鴝鳩

東京賦鴝鳩秋棲注爾雅鴝斯鴝鳩郭璞云鴝鳩匹

鳥腹下白

燕

列仙傳簡狄帝譽次妃有娥之女也姊妹浴於元邱之

水有元鳥銜卵而墜五色甚好相與競取簡狄得而吞之

生嵩

鶴

嵩書嵩山頂上常有三白鶴

鵝

幽明錄晉義熙中羗王姚毗洛陽陰溝取磚得一雙雄

鵝並金色交頸長鳴聲聞九臯

鵜鶘

水經注洛水東得鵜鶘水口水發北鵜鶘澗

駕鳥

山海經青要山北望河曲是多駕鳥郭注駕宜爲駕

鳩

山海經青要之山有鳥焉名曰鳩其狀如鳧青身而朱

目赤尾食之宜子郭讚鳩鳥似鳧翠羽朱目旣麗其形亦

奇其肉婦女是食子孫繁育

鶴鷓

〔山海經〕鹿山有鳥焉狀如山雞而長尾赤如丹火而

青喙名曰鶴鷓其名自呼服之不味

獸部

虎

〔傳異志〕天寶中緱氏仙鶴觀每年有一道士得仙張謁

忠攝令疑之令勇者潛窺見黑虎銜出一道士乃大獵於  
太子陵東石穴中格殺數虎獲金簡玉籙冠帔甚多

豹

〔伽藍記〕永安末鞏縣送二虎一豹帝在華林園觀之

鹿

〔魏末傳〕初明帝從文帝獵見鹿子母帝射殺之明帝

射其子對曰陛下已殺其母臣不忍復殺其子帝是時立

大子意定 [嵩書] 白鹿峯常有白鹿來遊田者竟莫得之

麝 [仙經] 密公在嵩山脚下霧迷失路惟見一麝香側足雙

跳步步回顧復去

豪豕 [嵩山志] 少室山有豪豕頂毛如骨白類魚刺可作簪

獼猴 [二程遺書] 程伯淳遊山山僧云晏元獻南來獼猴滿

野戲爲一絕曰聞說獼猴性頗靈相車來便滿山迎鞭羸  
到此何曾見始覺毛蟲亦世情

朏朏 [山海經] 霍山有獸焉其狀如狸而白尾有鬣名曰朏

朏養之可以已憂

麇 [山海經] 扶豬之山有獸焉其狀如貉而人目其名曰麇

犀渠 [山海經] 豷山有獸焉其狀如牛蒼身其音如嬰兒名

曰犀渠

獺 [山海經] 瀟瀟之水有獸焉名曰頡其狀如獺犬而有鱗其毛如彘鬣

山膏 [山海經] 苦山有獸焉名曰山膏其狀如逐赤若丹火

善詈郭注逐卽豚字

文文 [山海經] 放臯之山有獸焉其狀如蜂枝尾而反舌善

呼名曰文文

獺 [續齊諧記] 洛水有白獺數頭帝欲見之侍中徐景山云

獺嗜鱖魚乃不避死畫板作兩生鱖魚懸置岸上於是羣

獺競逐一時執得帝甚嘉之

畜部

馬

〔周禮〕職方氏豫州其畜宜六擾〔注〕馬牛羊豕犬雞〔南

史〕天監四年河南獻赤龍駒能拜伏善舞詔張率與到溉

周興嗣爲賦

牛

〔晉書〕石崇與王愷爭入洛城崇牛迅若飛愷不能及乃

密貨帳下問之曰牛奔本迅良由御者逐之不及而反制

之可聽偏轅則駛〔唐書〕李密聞包愷在緱山往從之乘

一黃牛被以蒲羈將漢書一帙挂角上讀之

羊

〔史記〕卜式河南人有少弟式脫身出分獨取羊入山牧

致羊千餘上曰吾有羊在上林欲令子牧之乃拜爲郎

魏志衛玠少時乘羊車於洛陽市市人觀之曰誰家璧人

豕

東觀漢記梁鴻牧豕於上林苑誤遺火及他舍訪燒者

以豕償之其主猶以爲少鴻願以身居作耆老共責主人

還其豕鴻不受而去

劉貢父諸語張端爲河南錄當祭

竈買豬已呈尹豬突入端廳卽殺之更以白尹尹問端對

曰按律諸無故夜入人家主人登時殺之勿論尹大笑爲

別市豬

犬

述異志陸機仕洛有犬名黃耳嘗借人三百里外犬識

自還京師久無家問因戲語犬曰汝能齎書馳取消息否

犬搖尾作聲應之機爲書盛以竹筒繫犬頸犬到機家取  
答書馳還洛計人行程五旬犬往還裁半月

雞

〔水經注〕祝雞翁居尸鄉北山下養雞千餘頭皆有名字  
欲取呼名則種別而至〔伽藍記〕白馬寺有沙門寶公胡  
太后問以事曰把粟與雞呼朱朱爲爾朱之讖

貓

〔山川紀異〕河南永寧天壇山中巖有貓洞世傳燕真人  
丹成雞犬俱升仙獨貓不去人嘗見之就洞呼仙哥聞有  
應者

鱗介部

鯉

〔埤雅廣要〕洛鯉伊魴貴於牛羊言洛以渾深宜鯉伊以

清淺宜魴

大魏諸州記

小平津有洞穴鯉魚大者重千

斤

海山記

洛水漁者獲金鯉煬帝問漁者姓解以朱筆

於魚額上題解生字放之北海後幸北海其鯉已長丈餘  
帝看魚額朱字尚存惟解字無半隱隱露角字

魴

陸璣詩疏

今伊洛濟潁魴魚也廣而薄肥恬而少力細

鱗魚之美者

鱣

陸璣詩疏口在頷下背上腹下皆有甲縱廣四五尺今

于盟津東石磧上釣取之大者千餘斤可蒸爲臠

鮪

陸璣詩疏河南鞏縣東北崕上山腹有穴舊說此穴與

江湖通鮪從此穴而來北入河西上龍門

鯽 嵩山志石羊關頽淵多鯽魚

鯽 清異錄京洛白鯽極佳周朝寺人楊承祿造脫骨獨爲魁冠禁中亦宣索承祿進之文其名曰軟釘雪籠

石鱗 名勝志少室龜泉水出石鱗

蛇 孔帖天寶中洛陽有巨蛇出芒山下胡僧無畏見之曰此欲決水瀦洛城卽以天竺法咒之數日蛇死

飛魚 山海經牛首之山勞水出焉是多飛魚其狀如鮒魚食之已痔術又正回之水多飛魚狀如豚而赤文服之不畏雷

鳴蛇 山海經鮮水注於伊水其中多鳴蛇其狀如蛇而四

翼音音如磬見則其邑大旱

按鳴蛇與博物志所記肥遺同

化蛇 山海經陽水注於伊水其中多化蛇其狀如人面而  
豺身鳥翼而蛇行其音如叱呼見則其邑大水

按爾雅釋魚列蛇以龜蛇同類也

黃貝 山海經瀟瀟之水北流注於河是多黃貝

旋龜 山海經豪水注於洛其中多旋龜其狀鳥首而鼈尾  
其音如判木

人魚 山海經厭染之水注于洛其中多人魚

三足龜 山海經狂水注于伊其中多三足龜食者無大疾

可以已腫郭注爾雅龜三足者名賁

鯪魚 山海經來需之水注于伊其中多鯪魚黑文其狀如鮒食者不睡

騰魚 山海經合水注于洛多騰魚狀如鱖居達蒼文赤尾食者不癱可以爲瘿郭注達水中穴道交通者

鯨魚 山海經休水注于洛其中多鯨魚狀如螯雌而長距足白而對食者無蠱疾

按鯨魚俗呼娃娃魚

蟲豸部

蟬 方言自關以東謂之蚘螿或謂之蜺螿

按蜚螳音帝聊爾雅謂蟬之  
大者曰馬螳今俗呼馬啣螳

螳螂

禮記鄭注莫貊螳螂同類物也三河之域謂之螳螂

蜂

酉陽雜俎東都龍門蘭若中桐始華有異蜂如人吟咏

禪師視之具體人也網取一置籠中一日其類數百有乘  
車輿者集於籠外語聲甚細有曰孔昇翁爲君筮不祥頗  
記無有曰君已除死籍又何懼焉有曰叱叱予青桐君奕  
勝獲琅玕紙數十幅君出可爲扎星子詞當爲料理語皆  
非人世事禪師舉籠放之

蛙

晉中州記惠帝爲太子在華林園聞鳴蛙聲問左右曰

此鳴爲官乎爲私乎太子家令賈裔對曰在官地爲官在

私地爲私惠帝令曰若是官蛙可給廩先是有讖云蝦蟆

當貴

蜥蜴

夷堅志劉居中在嵩頂見有大蜥蜴數百長三四尺

蝙蝠

嵩書小熊山乳洞中產白蝙蝠

驕蟲

山海經穀城之山狀如人而二首名曰驕蟲是爲螫

蟲實惟蜂蜜之廬

僕纍

山海經青要之山南望墮渚是多僕纍郭注蝸牛也

蒲盧

山海經青要之山南望墮渚是多蒲盧郭注螟蛉也

金石部

金

山海經宜蕪之山其上多金鹿蹄之山其下多金陽虛

之山多金縞玳之山多金贍諸之山其陽多金長石之山  
多金婁涿之山多金

鐵

山海經密山其陰多鐵少室之山其下多鐵

鉛

何孟春餘冬錄嵩陽產鉛民多造胡粉

錫

明史地理志嵩山有大礦山產錫

玉

山海經敖岸之山其陽多璵璠之玉驪山其陰有璵璠

之玉宜蘇之山多玉鹿蹄之山其上多玉釐山其陽多玉  
縞玳之山多玉廐山多璵璠之玉婁涿之山多玉長石之  
山多玉大磬之山多璵璠之玉多麋玉少室之山其上多  
玉講山其上多玉嬰絮之山多蒼玉惠水多水玉明水多

蒼玉五曲九水多蒼玉穀水多珉玉

洛水石

〔雲林石譜〕西京洛水出碎石頗多青白間有五色

斑斕者其嵌白色入鉛和藥可燒變假玉〔唐書〕則天時

有人於洛水中獲白石數黹赤詣闕輒進諸宰相詰之對

曰此石赤心所以來進李昭德叱之曰此石赤心洛水中

餘石豈能盡反耶左右皆笑〔西陽雜俎〕常侍崔元亮在

洛中嘗閒步涉岸得一石子大如雞卵黑潤可愛翫之行

一里劃然而破有鳥如巧婦飛去

白馬寺石

〔石譜〕河南白馬寺野中每雨過土中多獲細石

一種色深紺綠類西蕃馬價珠一種色稍次一種色淡綠

紋理多斑駁

石桂英

抱朴子石桂英生箕山巖穴中似桂樹而寶石也

石硫黃

神仙傳劉憑學道於穆邱子嘗服古桂英及中嶽

石硫黃年三百餘歲

雲母

初學記少室山下有雲母井出雲母

礪石

山海經陰山多礪石

按禹貢豫州貢磬錯治玉磬之石也  
陰山礪石在鞏縣霍山北豈磬錯歟

璠石

山海經扶豬之山其中多璠石號水出焉其中多璠

石郭注璠石白者如水水中有赤色者

文石

山海經陰山多文石瞻諸之山其陰多文石

按魏志明帝採穀城文石起景陽山於芳林園瞻諸山少水所出注于穀水卽穀城縣地

冷石

山海經甘水多冷石

苳石

山海經陂水多苳石

麋石

山海經澗水多麋石櫨丹

鳴石

山海經共水多鳴石

元石

山海經嬰梁之山多鐔于元石郭注黑石也鐔于樂

器形似椎頭

瑤碧

山海經和山多瑤碧傅山多瑤碧爽水多碧綠

河南府志卷之二十七終

漢書

卷之三

三

河南府志卷之二十八

祠祀志

神與民本一氣也明有禮儀幽有鬼神此鬼神之德所以盛也禮曰有功德於社稷民生禦大菑捍大患者則祀之左氏曰先成民而後務力於神則祀之非以邀神福實以答神貺也爲天地之功用與萬物相終始有其誠則有其神

國家釐定祀典百神效靈蓋敬下者必勤民原歸一理奉爵以告者不得視爲奉行故事矣志祠祀

社稷壇

在府城西關春秋二仲祭

洛陽縣附郭從府祭餼師

縣壇在縣城外西南一里

鞏縣壇在縣西門外孟津

縣壇在城西南宜陽縣壇在西門外登封縣壇在西關永寧縣壇在縣西關外新安縣壇在縣西門外澠池縣壇在

縣西高縣

壇在北關

### 風雲雷雨山川壇

在府城南關外春秋二仲祭洛陽縣附郭

壇在南門外孟津縣壇在城西南宜陽縣壇在西門外登封縣壇在城南永寧縣壇在縣南門外新安縣壇在縣南

門外澠池縣壇在縣城

南高縣壇在縣南關

### 先農壇

在府城南城外每歲仲春亥日巳時祭先農壇午

時行耕耨禮附郭縣知府秉耒右手扶犁左手執鞭行九推九返禮知縣播種佐貳執青箱農夫終畝禮畢更

衣望

闕行三跪九叩首禮仍將遵行耕耨日期申報措田四畝九

分置於東郊○耕耨器物農具一赤色牛一黑色籽種箱

一青色洛陽縣附郭從府祭儀師懸壇在縣城東二里

縣壇在縣東門外孟津縣壇在城東南宜陽縣壇在東門

外登封縣壇在城東三里永寧縣壇在東關外新安縣壇在東門外澠池縣壇在縣東高縣壇在東關

馬壇

在府城北關洛陽縣壇在縣北關每歲清明日七月望日十月朔日晡時祭先三日有司移牒城隍神祭則奉

其主于壇之正中南向以主其祭偃師縣壇在城北一里

鞏縣壇在縣治北孟津縣壇在縣治北宜陽縣壇在縣北

門外登封縣壇在城北永寧縣壇在北城外新安縣

壇在北門外澠池縣壇在縣北嵩縣壇在縣北關

文廟

崇祀孔子詳學校志各縣俱同

名宦祠

在儒學戟門左祀周仲山甫漢河南太守吳公魏相召信臣翟義河南尹李膺袁安劉祐羊陟洛陽令董

宣周紆王渙祝良緜氏令卓茂劉興緜氏尉尹翁歸三國

魏澠池令賈逵唐洛州刺史狄仁傑東都留守宋璟李德

裕裴度河南尹李適之白居易洛陽令陸贄宋西京留守

趙普河南知府向敏中王曾張士遜寇準陳堯佐文彥博

豐稷范純仁范純禮錢惟演宋庠吳育狄某河南府推官

歐陽修蘇轍福昌王簿蘇軾永寧令趙抃金教授盧詢元

河南路經畧使史天澤明河南知府虞廷爾沈文華陳宣

于範何天衢伍文定范鏞李時芳張中鴻葉時新張經世

秦中分巡河南道林騰蛟王蔭六同知蕭一傑主立推官

尹綸鍾鼎臣通判施沛洛陽令李養質張第元楊重

國朝學院張九徵張仕可總督李慰祖朱昌祚巡撫尹會

一河陝道于時躍張自涵知府

鄉賢祠

在儒學戟門右祀商伊尹李伊陟周甫侯申伯程子

周黨大司農尹勳太僕卿杜密人司徒種嵩司空種拂刺

史種勃處士田真三國蜀巴西太守郤正階上柱國韓擒

虎唐少卿徐有功禮部侍郎賈習散騎常侍賈至學士元

澹魯山令元德秀處士元晞刺文元結留臺兼知武部盧

奕工部員外郎杜甫尚書蕭昕度張鑑刺史獨孤及宰

相盧邁禮部侍郎劉迺節度使廬坦宰相武元衡宋丞相

呂蒙正張齊賢王曙呂夷簡呂公著司馬光尚書錢若水

范雍叅政范仲淹富弼蔡齊大甲大夫程珦知懷州尹源

知涇州尹洙御史中丞呂誨明道程子伊川程子康節邵

子侍講呂希哲副使邵伯溫禮部侍郎尹焞處士張繹孟

厚學士朱光庭待制邵溥叅政與義都部康保裔知幽

州劉保勳蜀州叅軍耿昭化儀通判狀傅知虢州滕宗

諒知河州種朴丞宣使种師中明燕刑獄郭忠孝贈清遠

侯張玘處士孝子李繼成趙君明大學士劉健尚書開

濟宋禮王邦瑞孫應奎沈應時疑養蒙都御史畢亨清傲  
吳瀚張松温如璋贈副都御史孔學尚書呂維祺侍郎

李郁王正國董堯封太僕卿白良輔張文郭興言御史闕  
禹錫李興許乾董定策邢紹德潘倬給事中商賔謝江陳  
麟郎中陳大壯李之在孟化鯉王金星范宗文員外郎李  
天倫苟天常主事王冕尤時熙孫瀾行人司陳心傳待詔  
郭顯星巡撫張論張應辰布政史簡朱用楊歸儒按察程  
本立張瀾叅議喬縉次國翰叅政陳情秦道顯張以謙副  
使王之鑰潘瑄王傳烈費董相楊松劉奮庸知府周濟侯  
宜正呂孔良楊士廉史官張國紀同知郭鳳翔知州李士  
元馮鑰劉澤演苟虞龍邱起鳳朱作齡來國泰教授杜有  
容盧仲倫學正曹端知縣俞信于宏冠學禮王堯卿許世  
貴何箎王從善郭維寧許世德苟虞夔何宜健李獻廷教  
諭鄭韜訓導于仲躍舉人忠節劉芳齊來秉衡苟良翰舉  
人孝子楊承臯董維翰承奉忠節劉顯福庠生孝子劉崇  
孟大智蔣澄一處士孝子章翰處士忠節孝子李化鯨指  
揮黃潤黃奇瑞國朝嶺南道左叅政前巡撫郭景昌知  
府張雲翼何玉如贈按察僉事忠節常庚贈僉事忠節史  
良植兵脩僉事道郭一鵬布政使郭一鶚李學裕  
教諭董萬山通判杜濬訓導甯連芳

忠義祠

雍正六年奉文建歷朝入祠姓名已見鄉賢祠者不  
重錄外有元巡檢劉濬縣尹劉健楊樸明知縣吳世

可有府志

卷之二十八 祠祀志

三

揚庠生孝子郭應第義民張全李均美許祥張秀劉永福

國朝總兵符遵禮前題名錄碑不載故特書之洛陽縣

祠在東關偃師縣祠在學宮內鞏縣祠在學宮內孟津縣

祠在學宮內宜陽縣祠在城內中街登封縣祠在城內南

街永寧縣祠在縣治西北隅新安縣祠在學

宮內澠池縣祠在學宮內嵩縣祠在學宮內

節孝祠在府儒學東凡已旌節婦合祀之洛陽縣祠在縣城

內東南隅偃師縣祠在學宮東鞏縣祠在縣南街孟

津縣祠在學宮東宜陽縣祠在城內中街登封縣祠在城

內西南街永寧縣祠在城內東北隅新安縣祠在縣治東

澠池縣祠在城內嵩縣祠在城內以

上四祠每歲春秋仲月隨丁致祭

城隍廟在府城西門內洛陽縣廟在縣西關偃師縣廟在城

東門內鞏縣廟在縣南街孟津縣廟在城內西門內宜

陽縣廟在城內中街登封縣廟在城內西街永寧縣廟在

縣西街新安縣廟在縣治東澠池縣廟在城內嵩縣廟在

西關府城隍廟乾隆二十四年知府張珽

修洛陽縣城隍廟四十二年知縣何如鐘修

關帝廟在府城內西北隅每歲春秋仲月及五月十三日致

祭用太牢祀雍正元年奉

肯追封

帝三代爲公爵另立祠祀洛陽縣附郭廟同偃師

縣廟在城西門內鞏縣廟在縣治西孟津縣廟在城內北街宜陽縣廟在城東門內登封縣廟在縣東關永寧縣廟在城內西街新安縣廟在縣西門內澠池縣廟在縣治內

焉縣廟

在東關

旗纛廟

在府城西北隅明洪武二年建定制霜降日武弁祭洛陽縣附郭廟同偃師縣廟在城西一里鞏縣廟在

縣東門外孟津縣廟在城南新安縣廟在縣西門外焉縣廟在書院街

龍神廟

在城內十字街東各縣俱有

火神廟

在城內十字街東洛陽縣附郭廟同偃師縣廟在城南一里鞏縣廟在南門外孟津縣廟在南關宜陽縣

廟在西門外登封縣廟在城東天中街永寧縣廟在城內西街新安縣廟在南門外焉縣廟在南關

八蜡祠

在府城西關歲以春秋仲月上戊日統祭八神曰先嗇曰司嗇曰農曰郵表畷曰猫虎曰防曰水墉曰昆

蟲洛陽縣附郭廟同偃師縣廟在城南一里鞏縣廟在南門外孟津縣廟在南關宜陽縣廟在東門外登封縣廟在

東關永寧縣廟在縣東關新安縣廟在東

門內澠池縣廟在城內高縣廟在東關

東嶽廟

在府城東關洛陽縣附郭廟同復師縣廟在縣治南孟津縣廟在縣治東宜陽縣廟在北門內登封

廟在城東天中街永寧縣廟在縣東關

澠池縣廟在城西南嵩縣廟在東關

文昌祠

一在府城東關一在東關  
三官廟 在府治東北隅  
明洪治元年建

二郎神廟

在府城西關祀隋灌州刺史楊煜煜嘗斷蛟築堤以遏水患故民爲立廟

湯王廟

在府城南各縣俱有

劉猛將軍廟

在府城十字街東乾隆十七年建各縣俱有

宋太祖廟

在府城外夾馬營明嘉靖間知府吳相建後入周成王漢光武爲三聖廟

周公廟

在府城西明嘉靖四年建每歲春秋仲月次丁日致祭臨縣亦有

邵康節祠

有二一在府城南五里許名爲安樂窩次丁日致祭明知府處廷鹽創建明末

國朝順治五年洛陽令武攀龍重建仍以其子伯坦孫溥  
配焉康熙三十一年大中丞閻興邦重建三楹爲先賢祠  
武令所建啟賢祠左設九賢祠右設書  
院配之一在嵩縣莘渠邑御史李興建

范文正公祠

在府城西明洪治四年都御史徐恪創建徐溥  
作記載藝文志 國朝順治五年洛陽令武攀

龍改建于二程祠之右以其子忠宣公醜焉登  
封縣亦有在潁陽鎮康熙間知縣薛國瑞建修

二程祠

在府城西關每歲春秋次丁日致祭明洪治十一年  
建如關里之制正殿以祀兩程兩廡從祀門人六十

三人康熙二十八年知府  
汪楫知縣佟學翰重修

四賢堂

在府學內明景泰間巡撫王暹建祀邵康節程明道  
伊川名三賢堂後增司馬溫公爲四賢云劉定之作

記載藝  
文志

十賢祠

在府城南五里伊洛書院內祀周惇頤程顥程頤邵  
雍張載司馬光朱熹呂祖謙張栻許衡元吳澄作記

記載藝  
文志

洛南伯廟

在府城南二里明正德七年薊盜攻洛總兵馮貞戰死事聞贈洛南伯因建廟祀之

伊洛淵源祠

在府城西祀二程門人八十三人從祀明洪治間建國朝順治五年知縣武攀龍重修

三賢祠

在府城東祀閻禹錫白良輔劉健

劉文靖公祠

在府城西祀劉健今遷于小西關迤西路北

王襄毅公祠

在府城旗纛廟後街祀王邦瑞子正國附焉

尤先生祠

在府城西祀尤時熙

董恭敏公祠

在府城東祀董堯封

陳公祠

在府城西祀陳麟

孫尚書祠

在府城東祀孫應奎

張總督祠

在府城十字街西祀張松

曹節婦祠

在府城東關祀曹昂妻張氏

倉聖祠

在迎恩寺

閻貞女祠

祀閻存姐

漢蕭曹祠

在府城內一在攝縣儀門內

少傅白居易祠

在龍門

狄梁公祠

在白馬寺左祀狄仁傑歲久祠毀春秋搭棚以祭康熙二十八年知府汪楫改建狄梁書院于城內

西南隅奉  
主以祭

朱文公祠

在南關竹竿巷祀朱子熹

賈太傅祠

在東關火燒街路西祀漢梁太傅賈誼明末燬于國朝順治間知縣武攀龍重建康熙二十八年

年知府汪楫重修

韓文公祠

在府城南六十里上天王院

司馬溫公祠

在府城東南司馬庄

理學李士元祠

在府學

知縣俞信祠

在龍門鎮

都御史董篤行祠

在府城同王街

守道霍鵬祠

在府城東夾馬營

知縣寇學禮祠

在府城北郭

知縣李公祠

在府城西南四十里員庄祀李天倫李天成李之在

給諫劉贄祠

在府城西副使劉銜祚按察使劉廣業合祠

蔡政張以謙祠

在府城東北三里中瀨河村知州張其瑾合祠

太僕郭興言祠

在府城東北廿五里平樂堡叅政郭景昌布政郭一鶚杭嚴道郭一鵬合祠

帝舜廟

在偃師縣西北卽山上

伊尹廟

有二一在偃師墓前一在嵩縣東

文王廟

在偃師縣西北卽山麓

夫子廟

一在偃師縣少微堡一在宜陽縣平泉

嶽瀆行祠

在偃師縣治東孫家庄堡

濟瀆行祠

在偃師縣城外西北隅

泰山廟

偃師縣廟有二一在治東三里許一在緱氏東鞏縣有二一在縣西迴郭鎮一在縣西駐駕庄澗池縣各

所里

甲嶽行祠

在偃師縣治南高龍堡宋政和二年敕建明洪武間里人孫成甫重修

五龍廟

有二一在偃師縣東十五里一在澗池縣東洪武五年縣丞王熙揚建今移於西城外

二龍廟

在偃師縣北卽山麓有黑白二龍潭水常不竭天旱禱雨輒應里人立廟祀之

金龍四大王廟

在府城小石橋偃師縣廟二一在治西南油房庄在治東孫家灣鞏縣廟二一在神是一

在東  
站

古聖賢廟 在偃師治  
東三里

褚公祠

在偃師縣古  
聖賢祠前

呂公祠

在偃師縣  
褚公祠西

崔公祠

在偃師縣  
呂公祠西

王公祠

在偃師縣  
治南堤內

盧醫祠

在鞏縣  
東店

杜工部祠

在鞏縣  
康家店

五嶽廟

有四一在鞏縣南堤東堡一在宜陽縣西庄  
堡一在永寧縣東關一在永寧縣龍頭山

河瀆廟

在鞏縣北  
神堤堡

崔府君廟

有二一在府城南  
關一在鞏縣東站

馬神廟

有四一在府城西南隅一在鞏縣治東  
一在澗池縣治內一在嵩縣儀門西

子華子祠

在鞏縣城東石白泉子華子南向坐四十五代孫  
明道伊川東西向從祀明季兵燹祠爲焦上國

朝康熙初  
年重建

譙國公祠

在鞏縣  
洛口

包公祠

在鞏縣西  
廻郭鎮

漢光武廟

有三一在孟津縣西一在宜陽縣西上凡保赤一在永寧縣東新莽末赤眉寇宜陽光武親率六軍克

之明帝永平元年邑人  
追慕其功因立廟祀之

惠里祠

在孟津縣東  
關祀陳惟芝

忠直祠

在孟津縣城  
南祀李天寵

喬尚書祠

在孟津縣西  
祀喬允升

感德祠

在孟津雙槐  
樹祀王錄

黃帝祠

在宜陽縣西世傳軒轅黃  
帝鑄鼎于此故立廟祀焉

召伯祠

在宜陽縣通賢門  
外文筆峯半山

留侯祠

在宜陽縣文  
筆峯之巖

三結義廟

有二一在府城西北隅一在宜陽  
縣龍屋壘元至正十一年重修

八賢祠

在宜陽縣召伯祠旁順治三年邑  
劉敬寬何其智牟道行紀汝清王三

重稱七賢祠康熙中益  
以謝乃果改稱八賢祠

九龍靈濟廟

在宜陽縣  
九龍洞口

中嶽廟

在登封縣八里黃蓋峯下昔漢武帝祭此山聞萬歲之呼置邑奉祀歷代修葺遣官致祭康熙三十三年

御書嵩高峻極四字遣官賚送製匾懸掛乾隆十五年聖駕巡幸重修並建

行宮

聖駕巡幸時恭修祀事

欽賜如意九枝藏廟中奉爲萬世法寶計白玉如意兩枝西

碧如意兩枝紅白瑪瑙如意兩枝雲碧如意一枝黃瑪

瑙如意一枝水晶如意一枝用紫檀盒裝盛二十四年

東西廊災詳請動帑委知縣高積厚補修重建四十二

年九月十三日知府施誠奉巡撫徐績布政使榮柱文

赴中嶽祈雨十六日設壇步禱于十九日得雨二

十日謝神四十四年四月二十二日知府施誠重至

中嶽祈雨廿三日設壇步禱次日得雨是年五月

奉

旨命布政使榮柱虔往中嶽祈雨二十八日抵廟六月初

一日薰壇率同知府施誠登封縣知縣曾友伋步禱次

日甘霖大沛奏

聞奉

上諭發帑銀八萬兩知府以上共捐銀三萬八千兩重修其

修建工程

奏委洛陽縣知縣何如鐘偃師縣知縣汪瞻吧邾縣知縣李之英登封縣知縣曾友攸分段承辦並委河南府知府施誠爲總理其收放銀兩委糧驛道赫爾敬阿經管

于本年七月開工修建

二賢祠

在登封縣學內祀周甫侯申侯

劉公祠

在登封縣東關祀知縣劉安行

范公祠

在登封縣東關祀知府范致虛

潁源祠

在登封縣陽乾山下祀水神

白龍王廟

在登封縣城隍廟左乾隆八年知縣施奕簪創建

九龍王廟

在登封縣倒拜溝禧雨輒應乾隆八年知縣施奕簪重建

古賢令祠

在登封縣祀前令應靖山錫之侯泰傅梅劉安行鄠延誨劉禮成躍龍張朝瑞張燠

三韓張公祠

在登封縣少林寺達摩菴右康熙三十五年闔邑士民公建祀知縣張朝瑞

長洲張公祠

在登封縣嶽廟西康熙二十二年闔邑士民公建祀知縣張燠

忠烈李公祠

在登封縣東關  
祀王簿李錫

宮詹耿公祠

在登封縣  
嵩陽書院

太僕焦公祠

在登封縣東關  
祀少卿焦子春

景宗伯祠

在登封縣北  
關祀景日珍

三忠祠

在登封縣東關雍正五年知縣楊世達建  
祀明殉難知縣劉裡鄆廷誨典史王大璧

岐伯廟

在永寧縣西  
景泰元年建

鄼侯廟

在永寧縣  
治西南

秦公祠

在永寧縣西萬歷四年建祀知縣秦紳

張中丞祠

在永寧縣西  
門內祀張論

雷神廟

有二一在永寧西  
關一在滎池縣北

嶧嶢廟

在永寧縣  
嶧嶢山

石神廟

在永寧縣城  
東北二里

藥聖藥王廟

在永寧縣  
王范鎮

曾公祠

在新安縣南祀  
明知縣曾唯

邵公祠

在新安縣東祀  
明知縣邵純謙

劉公祠

在新安縣西祀  
明知縣劉懋

解公祠

在新安縣西祀  
明知縣解應元

陳公祠

在新安函谷關內祀  
明殉難知縣陳顯元

佟公祠

在新安城內大街祀  
國朝知縣佟希聖

王公祠 在新安城內祀國朝知縣王登魁

錢宣靖祠 在新安西社學後祀宋學士錢若水

孟光祿祠 在新安縣東祀明理學孟化鯉

呂仁孝祠 在新安城內祀明右都御史呂孔學

後唐莊宗廟 在新安縣東今廢

呂忠節祠 在新安高平寨祀明尚書呂維祺

帝堯廟 在澠池縣東元延祐三年建

河伯廟 在澠池縣治北百二十里宋嘉祐間建

歷川都土地廟 在澠池縣治東二十五里五代唐潞王翔建

海瀆廟 在嵩縣海山

九賢祠 在嵩縣北鳴臯鎮祀周惇頤程頤程顥程頤程頤程頤程頤程頤程頤

魯齋祠 在鳴臯鎮祀元許衡

雞澤祠 在嵩縣城內祀明知縣王夢蛟

元魯山祠 在嵩縣陸渾嶺南明萬歷五年知縣李化龍建

趙南星記後廢康熙二十六年知府汪錫重修

南嶽廟 在嵩縣鳴臯鎮

濟瀆廟 在嵩縣東關

龍王廟 在嵩縣南關雍正八年建

先蠶廟 在嵩縣東關乾隆三十年知縣康基淵建

康基淵先蠶祠記

河南府志卷之二十九

學校志

附書院 學田

古者聖王設學校以教民自虞以上其名與制典籍所  
不詳有虞氏有上庠下庠夏后氏有東序西序殷周以  
後實權輿于此我

朝崇經重儒尤以風勵學宮爲本務已駸駸乎加三代而上  
之矣况菁莪棫樸化首周南其被

聖澤更深者乎爰考史冊所載制度以及舊志創修始末錄  
爲一編而以書院社學胥附焉志學校

漢武帝本紀孝武初立卓然罷黜百家表章六經遂疇

咨海內舉其俊茂與之立功興太學修郊祀宣帝本紀  
本始二年詔孝武興太學修郊祀平帝本紀元始三年  
立學宮郡國曰學邑侯國曰校置經師一人賈山傳文  
帝二年上書願以夏歲二月定明堂造太學脩先王之  
道董仲舒傳對策曰養士之大莫太於太學太學者賢  
才之所關也教化之本原也臣願陛下興太學置明師  
以養天下之士數考問以盡其材則英俊宜可得矣又  
立學校之官皆自仲舒發之文翁傳景帝末爲蜀郡守  
修起學官於成都市中招下縣子弟爲學官弟子爲除  
更繇高弟以補郡縣吏又爲孝弟力田至武帝時乃令

天下郡國皆立學校官自文翁爲之始

後漢

光武本紀建武五年十月幸魯初起太學

陸機洛陽記曰

太學在洛陽城故開陽門去宮八里講堂長一丈廣三丈

車駕還宮幸太學賜博士

弟子各有差李通傳建武二年帝征討四方令通居守

京師修宮室起學官儒林傳熹平四年乃詔諸儒正定

五經刊於石碑立之學門

詳金石

禮儀志永平二年三月

郡縣行鄉飲于學校祀聖師周公孔子東都賦學校如

林庠序盈門述征記太學在國子學東二百步學堂有

太學讚碑記曰建武二十七年立太學堂永建六年制

下府繕治并立諸生房舍千餘間陽嘉元年畢刊于碑

禮記疏元朔五年始詔天下郡國建立學宮而永平之

際皆尊奉孔子靈帝本紀光和元年二月始置鴻都門

學生王應麟注畫孔子及七十二弟子像注鴻都門名也其諸生皆敕州

郡三公舉召能爲尺牘詞賦及工鳥篆者相課試至千

人

魏三國志文帝黃初五年四月立太學於洛陽制五經

課試之法置春秋穀梁博士

晉武帝紀泰始六年冬十一月幸辟廱行鄉飲酒禮文選

注引陸機洛陽記辟廱在靈臺東相去一里俱魏武所徙咸寧二年五月立國子學

元帝紀建武元年十一月立太學王導傳征南將軍戴

邈言庠序廢宜向道崇儒以勵風化琅邪王從之始立  
大學裴頠傳惠帝時奏修大學刻寫石經宋志晉泰始  
八年有司奏太學生七千餘人才任四品聽留詔已試  
經者留之其餘遣還郡國大臣子弟堪受教者令人學  
太康五年脩作明堂辟雍靈臺齊志晉初太學生三千  
人元康三年始立國子學官品第五以下得入國學大  
學之與國學是晉世殊士庶異貴賤耳

按東漢西晉都洛陽故事  
係洛陽者較他處特詳

後魏北史魏道武初立太學置五經博士天安初立鄉

學郡置博士二人助教二人學生六十人杜佑通典曰  
郡縣學始於

此太和中遷都洛邑立國子太學四門小學

隋

帝紀仁壽元年詔廢州縣學

唐

帝紀武德七年詔諸州縣並令置學百官志貞觀二

年左僕射元齡等建言周公尼父俱聖人然釋奠於學以夫子也大業以前皆孔某爲先聖顏回先師乃罷周公升孔子爲先聖顏回配四年詔州縣皆作孔子廟十一年詔尊孔子爲尼父作廟於兗州給戶二千以奉之

通鑑開元二十六年春令天下州縣里皆置學

宋

長編景祐元年五月以河南府學爲

略慶歷四年以范仲淹請詔州縣興學

嵩陽廬阜嶽麓睢陽各有師徒錫之經

傳

咸平四年六月詔郡縣有

學校聚徒講誦之所賜九經書一部

熙寧四年州給田十頃爲學糧

元

帝紀

至元二十三年設各道儒學總舉司詔學校舊

有學田復給之以養士二十八年令諸路學及各縣學內設立小學選老成之士教之二十九年詔州縣學田其歲入聽其自掌春秋釋奠外以廩給師生及士之無告者

明

會典

洪武二年詔府州縣皆立學府學四十人州學

三十人縣學二十人日給廩膳仍免其家差徭二丁十

五年頒釋奠

先師孔子儀注於天下府州縣學其祭各以正官行禮有布政司則以布政司其分獻則以本學儒職及老成儒士充之每歲以春秋二仲月上丁日每朔望郡縣長以下詣學行香二十六年頒大成樂器於天下

國朝 〔大清會典〕順治二年定 文廟諡號稱爲

大成至聖文宣先師孔子十四年議改諡號爲

至聖先師孔子九年

命禮部頒卧碑於天下學宮

聖製 碑文詳

康熙二十三年

御書萬世師表匾額恭懸 大成殿又 頒

御製學校論

聖製 文詳

二十八年

御書

孔子贊詞并顏曾思孟四子贊詞立石摹搨

聖製 贊詳

四十

一年 頒

御製訓飭士子文

聖製 文詳

四十三年

御製平定朔漠告成太學碑

恭建碑亭在學

五十一年奉

詔升祔先儒朱熹於殿內十哲之次改題其主曰先賢五十

四年題准宋儒范仲淹從祀 文廟

雍正元年奉

旨追封

先師五世王爵

王爵見位次

其啟聖祠向係專祀

叔梁公故以啟聖爲名今

聖朝異數合祀五代應更名爲崇聖祠三年

御書生民未有匾額恭懸文廟

詔郡縣二祭增用太牢又

詔增先賢蘧瑗林放秦冉顏何牧皮縣亶公都子樂正克公

孫丑萬章先儒鄭康成諸葛亮范甯尹焞黃幹陳淳何基

魏了翁王栢趙復許謙金履祥陳澔羅欽順蔡清陸隴其

從祀升周敦頤張載程顥程頤邵雍爲先賢兩廡東廡首

蘧瑗西廡首林放列敘先賢先儒共一百二十三人位次

又宋張子橫渠之父迪增入 崇聖祠從祀又奉

聖諭

先師孔子聖諱理應迴避查毛詩及古文此字讀作期音者甚多嗣後除四書五經外凡遇此字並加卍爲邱地名亦不必改易但加卍旁讀作期音庶協尊崇至意又 頒

御製平定青海告成太學碑

恭建碑亭在學

乾隆二年奉

上諭增祀吳澄于兩廡三年

詔以先賢有子若列十哲之次又

御書與天地參匾額恭懸 文廟二十五年

御製平定準噶爾告成太學碑

恭建碑亭在學

四十一年

御製平定兩金川告成太學碑

恭建碑亭在學

大清會典凡位次陳設祀事儀節具列於後

正殿

至聖先師孔子

四配

復聖顏子

諱回字子淵魯人

述聖子思子

諱伋字子思至聖孫

在殿內東旁西向

宗聖曾子

諱參字子輿南武城人

亞聖孟子

諱軻字子輿一作子車鄒人

在殿內西旁東向

十三哲

閔子

諱損字子騫魯人

冉子

諱雍字仲弓鄭康成曰魯人

端木子

諱賜字子貢衛人

仲子

諱由字子路一字季路卞人一云衛人

卜子

諱商字子夏衛人鄭康成曰溫國卜商

有子

諱若字子若一字子有鄭康成曰魯人

在殿內次東西向

冉子

諱耕字伯牛鄭康成曰魯人

宰子

諱予字子我鄭康成曰魯人

冉子

諱求字子有鄭康成曰魯人

言子

諱偃字子游吳人

顓孫子

諱師字子張陳人

朱子

諱熹字元晦一字仲晦宋婺源人

在殿內次西東向

廡先賢

蘧子

諱瑗字伯玉衛人  
雍正二年復祀

澹臺子

諱滅明字子羽  
孔安國曰魯人

原子

諱憲字子思鄭  
康成曰魯人

南宮子

諱适字子容家  
語云韜魯人

商子

諱瞿字子  
木魯人

漆雕子

諱開字子開家  
語字子若魯人

司馬子

諱耕字子牛一字伯  
牛孔安國曰宋人

巫馬子

諱施字子旗家  
語字子期魯人

顏子

諱辛字子柳鄭  
康成曰魯人

曹子

諱鄒字子  
循蔡人

公孫子

諱龍字子石家  
語公孫龍衛人

秦子

諱商字子丕家語字  
不慈鄭康成曰楚人

顏子

諱高家語云顏  
刻字子騫魯人

壤駟子

諱赤字子徒鄭  
康成曰秦人

石作子

諱蜀家語石子  
蜀字子明秦人

公夏子

諱首字乘一字子  
乘鄭康成曰魯人

后子

諱處字子里鄭  
康成曰齊人

奚容子

諱蒧字子偕魯人  
奚蒧字子偕魯人

顏子

諱祖字襄家語顏  
祖字子襄魯人

.....

漢書卷之二十一

### 西廡先賢

林子諱放魯人

宓子諱不齊字子賤魯人

公冶子諱長字子長家語萋字子芝齊人

公皙子諱哀字季次禮殿圖云公皙哀齊人

高子諱柴字子羔鄭康成曰衛人一云齊人

樊子諱須字子遲鄭康成曰齊人一云魯人

商子諱澤字子秀一字子季魯人

梁子諱鱣一云鯉字叔魚齊人一云魯人

冉子諱孺字子魯家語字子魚一字仲魯人

伯子諱慶字子析家語字楷魯人

冉子諱季字子產鄭康成曰魯人

漆雕子諱徒父家語漆雕從字子文魯人

漆雕子諱哆字子斂家語漆雕從魯人

公西子諱赤字子華鄭康成曰魯人

任子諱不齊字選家語字子選鄭康成曰楚人

公良子諱穀字子正鄭康成曰陳人

公肩子諱定字子中晉人一云魯人

鄒子諱單禮殿圖及徐廣胥云鄒單字子家齊人

罕父子

諱黑字子索家語  
宰夫黑字索魯人

榮子

諱旗家語榮期  
字子祺魯人

左人子

諱郢家語左郢字  
子行康成曰魯人

鄭子

諱國字子徒家語  
薛邠字子從魯人

原子

諱亢家語原  
抗字籍魯人

廉子

諱潔史記紜字庸家語  
字子庸一字子曹衛人

叔仲子

諱會字子期鄭  
康成曰晉人

公西子

諱輿如家語公西  
與字子上魯人

邾子

諱異字子斂家語  
邾字子欽魯人

陳子

諱亢字子亢一  
字子禽陳人

琴子

諱張家語琴牢字  
子開一字子張衛人

步叔子

諱乘字子車鄭  
康成曰齊人

秦子

諱非字子之鄭  
康成曰魯人

顏子

諱喴字子聲鄭  
康成曰魯人

顏子

諱何字冉魯人  
雍正二年復祀

縣子

諱廩字子象索隱作  
縣豐雍正二年增祀

樂正子

諱克雍正  
二年增祀

萬子

諱章雍正  
二年增祀

周子

諱敦頤字茂  
叔宋營道人

程子

諱顥字伯淳  
宋河南人

邵子

諱雍字堯夫  
宋范陽人

東廡先儒

公羊子

諱高  
齊人

毛子

諱萇字長  
公漢趙人

鄭子

字康成漢高密人  
雍正二年復祀

王子

諱通字仲淹  
隋龍門人

歐陽子

諱修字永叔  
宋廬陵人

尹子

諱焯字彥明宋洛  
人雍正二年增祀

蔡子

諱沈字仲默  
宋建陽人

練子

諱淳字安卿宋龍  
人雍正二年增祀

孔子

諱安國字子國至聖  
十一世孫漢魯人

高堂生

漢充  
人

諸葛子

諱亮字孔明漢瑯琊  
人雍正二年增祀

司馬子

諱光字君實  
宋夏縣人

胡子

諱安國字康  
侯宋崇安人

呂子

諱祖謙字伯  
恭宋婺州人

陸子

諱九淵字子  
靜宋金谿人

魏子

諱了翁字華父宋印  
州人雍正二年增祀

王子

諱栢字會之宋金華人雍正二年增祀

許子

諱衡字仲平元河內人

許子

諱謙字益之元金華人雍正二年增祀

吳子

諱澄字幼清元崇仁人乾隆二年增祀

王子

諱守仁字伯安明餘姚人

薛子

諱瑄字德溫明河津人

羅子

諱欽順字允升明和人雍正二年增祀

陸子

諱隴其字稼書平湖人雍正二年增祀

西廡先儒

穀梁子

諱赤字元始魯人

伏子

諱勝字子賤漢鄒平人

后子

諱蒼一云倉字近君漢東海人

董子

諱仲舒漢廣川人

杜子

諱子春東漢偃師人

范子

諱甯晉順陽人雍正二年復祀

韓子

諱愈字退之唐南陽人

范子

諱仲淹字希文宋吳縣人康熙五十四年增祀

胡子

諱瑗字翼之宋如臯人

楊子

諱時字中立宋將樂人

羅子 諱從彥字仲素  
宋南劍人

李子 諱侗字愿中  
宋劍浦人

張子 諱拭字敬夫  
宋綿竹人

黃子 諱幹字直卿  
宋閩縣人  
雍正二年增祀

真子 諱德秀字景元  
更字景希  
宋浦城人

何子 諱基字子恭  
宋金華人  
雍正二年增祀

趙子 諱復字仁甫  
元德安人  
雍正二年增祀

金子 諱履祥字吉父  
元蘭溪人  
雍正二年增祀

陳子 諱繼字雲柱  
元都昌人  
雍正二年增祀

陳子 諱獻章字公甫  
明新會人

胡子 諱居仁字叔心  
明餘干人

蔡子 諱清字介夫  
明晉江人  
雍正二年增祀

按兩廡位次闕里志所載及各省府州縣學俱照時代為序茲據大清會典國子監分先賢先儒為序而雍正二年復祀增祀之制亦依此列載焉

### 崇聖祠在正殿後

### 正殿

肇聖王木金父公正中南向

裕聖王祈父公東一室南向

詒聖王防叔公西一室南向

昌聖王伯夏公東二室南向

啟聖王叔梁公西二室南向

配位

先賢顏氏

諱無繇字路禮殿  
圖顏無由顏子父

先賢孔氏

諱鯉字伯魚至  
聖嗣子思父

在殿內東西向

先賢曾氏

諱點家語字  
子皙曾子父

先賢孟孫氏

諱激字公宜孟  
孫之後孟子父

在殿內西東向

東廡

先儒周氏

諱輔成  
敦頤父

先儒程氏

諱珦字伯  
溫顥父

先儒蔡氏

諱元定字  
季通沈父

西廡

先儒張氏

諱迪  
載父

先儒朱氏

諱松字喬  
年熹父

陳穀

雍正三年  
頒定

正位禮神帛一色

白

白磁爵三牛一羊一豕一登一

實以  
太羹銅

二實以

簋

實以

黍稷

二

實以

稻粱

十

實以

栗榛菱芡黑餅白餅

和羹

簋

黍稷

簋

豆十

實以非菹菁菹芹菹笋菹醢  
醢鹿醢兔醢魚醢脾所豚胎

酒樽一

四

配位

每位

禮神帛一色

白

白磁爵

三牛

一豕

一銅

一

實以

和羹

簋二

實以  
黍稷

二實以籩八

實以形鹽藜魚鹿脯棗栗榛菱芡

豆八

實以非菹菁菹芹菹笋菹醢醢醢醢醢醢

魚酒樽一

十二哲東六位六案每案帛一

色白

白磁爵一

豕一鉶一

實以和羹

簠一

實以黍

簋一

實以稻

籩四

實以形鹽棗栗藜魚

豆四

實以非菹醢醢菁菹鹿脯

豕首一

西六位同

東廡帛一

色白銅爵各

一豕三每案簠一簋一籩四豆四

實同上

西廡同

崇聖祠正位五案每位帛一白磁爵三羊一豕一鉶一簠二

簋二籩八豆八

實同上

酒樽一

配位每位一案帛二豕首

一每位銅爵三簠一簋一籩四豆四

實同上

豕肉一

兩廡

帛二每位銅爵三簠一簋一籩四豆四

實同上

豕肉一

祭儀

春秋仲月上丁日祭獻官散齋二日致齋一日前一日演樂省牲祭日三更祭事皆備鼓再嚴樂舞生執事者各立丹墀左右鼓三嚴引贊各獻官廟門外立通贊唱樂舞生就位樂生序立于廟庭奏樂之所兩司節者分引舞生至丹墀東西兩階序立于舞佾之位兩司節者退至舞生兩班首持節相向立唱執事者司事陪祭官就位分獻官就位獻官就位引贊引獻官至拜位引贊退位唱瘞毛血執事者捧毛血由中門出四配十二哲兩廡由左右門出瘞于坎啓祖蓋唱迎神樂奏咸平之曲麾生揚麾樂生擊祝樂作司節舉節舞生執籥秉翟而舞叩首再叩首三叩首

麾生偃麾樂盡櫟敵司節伏節舞生罷舞唱奠帛行初獻  
禮捧帛者捧帛執爵者執爵引贊引獻官詣盥洗所勺水  
淨巾引詣酒尊所司尊者舉罍酌酒執爵者捧帛者在獻  
官前行正廟帛爵由中門入四配帛爵由左門入各于神  
案側立引贊引獻官亦由左門入詣至聖先師孔子神  
位前樂奏寧平之曲麾生揚麾樂生擊祝樂作司節舉節  
舞生執籥秉翟而舞獻官跪捧帛者西向跪進帛獻官獻  
帛授接帛者奠于神位前案上執爵者西向跪進爵獻官  
獻爵授接爵者奠于神位前叩首興詣讀祝位祝位在  
香案前引  
贊引獻官至祝位麾生偃麾樂暫止讀祝者跪取祝文退

立手獻官左獻官并各官及讀祝者皆跪讀祝文曰維某  
年歲次某某月某朔越幾日某官某等敢昭告于 至聖  
先師孔子曰維 師德配天地道冠古今刪述六經垂憲

萬世惟茲仲

春秋

謹以牲帛醴齊粢盛庶品祇奉舊章式陳

明薦以 復聖顏子 宗聖曾子 述聖子思子 亞聖

孟子配尚饗叩首興麾生舉麾樂生接奏未終之樂引贊

引獻官詣 復聖顏子神位前跪捧帛者跪進帛于獻官

右獻官獻帛授接帛者奠于神位前案上執爵者跪進爵

于獻官右獻官獻爵授接爵者奠于神位前叩首興次詣

宗聖曾子 述聖子思子 亞聖孟子神位前儀同復

聖復位引贊引獻官至原拜位立通贊唱行分獻禮各引贊引分獻官詣盥洗所勺水淨巾引詣酒尊所司尊者舉冪酌酒各引贊引分獻官至十二哲兩廡神位前跪捧帛者跪進帛分獻官獻帛授接帛者奠于神位前捧爵者跪進爵分獻官獻爵授接爵者奠于總案上執事者于各神前自奠一爵叩首興復位麾生偃麾樂盡櫟啟司節伏節舞生罷舞通贊唱行亞獻禮引贊引獻官詣酒尊所司尊者舉冪酌酒詣至聖先師孔子神位前樂奏安平之曲麾生揚麾樂生擊祝樂作司節舉節舞生執籥秉翟而舞儀如初獻四配十二哲兩廡亞終二儀胥同初獻復位麾生

偃麾樂盡櫟敵司節伏節舞生罷舞通贊唱行終獻禮儀  
同初獻樂奏景平之曲樂作佾舞獻爵諸儀畢復位麾生  
偃麾樂盡櫟敵司節伏節舞生罷舞通贊唱飲福受胙進  
福酒者捧爵進福胙者取正壇羊左肩胙置于盤引贊引  
獻官詣飲福位跪卽讀祝位捧福酒者跪進酒于獻官右獻官

受飲以爵授接爵者捧福胙者跪進胙于獻官右獻官受  
胙以胙授接胙者由中門捧出叩首興復位叩首再叩首  
三叩首各官同唱徹饌樂奏宣平之曲樂生奏如前式執  
事者跪舉籩豆一器一舉而徹兩班司節分引舞生于丹  
墀東西相向序立不舞麾生偃麾樂盡櫟敵唱辭神樂奏

祥平之曲樂生奏如前式叩首再叩首三叩首各官同麾  
生偃麾樂暫止讀祝者捧祝奠帛者捧帛各詣座所正廟  
由中門出四配十二哲兩廡帛由左右門出唱望麾生  
揚麾接奏前樂引贊引獻官分獻官陪祭官至座所唱焚  
文帛九段焚訖麾生偃麾樂止復位通贊唱禮畢

聖祠同日先祭無樂舞餘儀同

樂器

麾

金鐘

玉磬

鼓

搏拊

祝

敔

琴

瑟

排簫

笙

簫

笛

埙

篪

舞器

笛

節

羽

箭

干

戚

樂章

頌定 乾隆八年

春季

夾鐘爲宮應鐘起調

迎神樂咸平之章

無舞

大哉

孔子先覺先知與天地參萬世之師祥徵麟綬韻答金絲日  
月旣揭乾坤清夷

初獻樂寧平之章、有舞

予懷明德玉振金聲生民未有展也大成俎豆二古春秋

上丁清酒旣載其香始升

亞獻樂安平之章 有舞

式禮莫愆升堂再獻響協鼗鏞誠孚壘獻肅肅雍雍譽髦  
斯彥禮陶樂淑相觀而善

終獻樂景平之章 有舞

自古在昔先民有作皮弁祭菜於論思樂惟

天牖民惟

聖時若葵倫攸敘至今木鐸

徹饌樂咸平之章 無舞

先師有言祭則受福四海蠻宮疇敢不肅禮成告徹毋疏毋

賈樂所自生中原有救

送神樂咸平之章 無舞

鬼繹戔戔洙泗洋洋景行行止流澤無疆聿昭祀事祀事  
孔明化我蒸民育我膠庠

望塵樂祥平之章同送神無舞

秋季南呂爲宮仲呂起調文同不錄

樂武生

份生三十六名

樂生三十六名

以上各縣胥同不再贅錄

舊府志康熙十四年知府王來慶洛陽縣知  
縣井洛如教授彭如芝考定會典捐置禮器

河南府

儒學李濂通志舊在洛水南金正隆初知府孔彥舟徙建  
水北元末燹於兵明洪武二年知府徐天麟重建景泰  
二年知府李達修嘉靖六年知府劉漳重修十年詔建  
啟聖祠又建敬一亭王通志萬歷四十三年知府宋時魁  
重修

國朝因之順治八年分守道于時躍許文秀知府楊所修推  
官馬呈圖十四年教授侯抒懔相繼重修舊府志康熙  
三十三年知府孫居湜修續省志雍正二年知府張漢  
修又刻朱子圖書二贊碑又建

御製朋黨論碑亭 乾隆四十一年知府施誠重修

崇聖祠舊府志原名啟聖祠嘉靖十年建

國朝順治間教授張抒懋訓導王文衡修雍正三年知府張漢重建

明倫堂舊府志元末燬于火明洪武二年知府徐天麟建嘉靖間知府劉漳修崇正間再燬

國朝順治十一年分守道許文秀知府楊所修重修

尊經閣李通志初名御書樓在明倫堂後明宏治七年知

府劉瓛建嘉靖壬戌特御耿定向過洛留石經于學宮

直指顏鯨題跋刻石

敬一亭舊府志嘉靖十年建內置御製敬一箴及註釋視

聽言動四箴

國朝順治間分守道許文秀知府甯之鳳修

名宦祠

詳祠祀

鄉賢祠

詳祠祀

舊府志在戟門右順治十六年知府朱明魁

修續府志雍正三年知府張漢移置泮池左右建釐正

鄉賢碑

文昌祠舊在泮池東張漢移祀尊經閣

忠義孝弟祠雍正六年奉勅建

詳祠祀

洛陽縣

見

御製朋黨論碑亭 乾隆四十一年知府施誠重修

崇聖祠舊府志原名啟聖祠嘉靖十年建

國朝順治間教授 扈愨訓導王文衡修雍正三年知府張漢重建

明倫堂舊府志元末燬于火明洪武二年知府徐天麟建嘉靖間知府劉漳修崇正間再燬

國朝順治十一年分守道許文秀知府楊所修重修

尊經閣李通志初名御書樓在明倫堂後明宏治七年知府劉燾建嘉靖壬戌侍御耿定向過洛留石經于學宮直指顏鯨題跋刻石

明倫堂舊府志改敬一亭建克己齋在明倫堂左復禮齋  
在明倫堂右會饌堂在明倫堂西更衣廳在戟門東視  
牲所在戟門西射圃在學宮西偏俱廢

名宦祠在泮池東

鄉賢祠在泮池西萬歷間改建學宮其名宦鄉賢二祠遂  
併祀於府庠

國朝康熙三十七年知縣錢肇修創建乾隆九年知縣龔崧  
赫釐訂姓氏重新之詳祠祀

文昌祠在學宮東

奎光閣在學宮東南

忠義孝弟祠雍正六年奉

勅建詳祠祀

文峯塢在東南隅雍正八年知縣王箴輿教諭范百順先  
後增修後圯乾隆三十一年知縣王宇重建宮簷陳浩  
作記勒石

假師縣

儒學李通志舊在縣治東元延祐四年縣尹賈淵創建後  
因兵燬明洪武三年知縣汪可行重建成化間知縣張  
貫李厚相繼增繕宏治九年知縣魏津重修舊府志嘉  
靖三十二年被水滄北知縣王表林萬里崇正十一年  
知縣薛虞團重修

國朝順治初知縣宋中鴻魏惟紫重修康熙三十一年知縣  
王澤長增修

崇聖祠縣志舊在尊經閣西萬歷四十八年知縣劉嘉遇  
修

明倫堂縣志在文廟北

敬一亭在堂東北康熙二十年知縣崔鳴鶯重修旁置進  
德修業二齋二十八年知縣王澤長重修後曰饌堂

尊經閣舊有號房神厨神庫學倉俱在明倫堂左右射圃  
在崇聖祠北俱廢

各宦祠在戟門東

河南通志 卷之二十一  
鄉賢祠在戟門西

文昌閣縣志在東郭外雙鳳橋

國朝康熙二十年知縣崔鳴鶯建

奎樓在儒學東知縣馮懋仁建

忠義孝弟祠在明倫堂東雍正六年知縣王近頤建

鞏縣

儒學李通志舊在縣治南相傳西漢時建元末兵燬明洪武三年縣丞張庸重建天順成化間知縣孫讓柯忠增修嘉靖間知縣沈源謝九敘榮華陶承祖周泗相繼修舊府志萬歷間訓導龔純復知縣程宇鹿仍舊制修崇

正間知縣熊閏增兩廡基址廟始宏厥蓋從生員張本善議也

國朝順治十三年知縣張好竒修康熙二十三年知縣蔣徵猷重修縣志四十八年知縣多時琦教諭劉濟寬訓導左其補修乾隆元年知縣季璟補修 大成殿十年知縣邱軒昂移照壁外五尺改建聖域賢關門櫺星門敬一亭黑門樓復修泮池石橋

崇聖祠縣志在學宮東乾隆六年署知縣朱續志重修

明倫堂縣志在殿後 敬一亭在明倫堂後誠心修道二

齋在明倫堂東西東庫西庫在殿左右

名宦祠在戟門東

鄉賢祠在戟門西更衣所省牲所俱在戟門左右

文昌閣縣志在學宮東萬歷時知縣程宇鹿建今改建東

南隅

奎星樓縣志在學宮東萬歷時知縣程宇鹿建今改建南

門外

忠義孝弟祠雍正六年奉勅建

孟津縣

儒學李通志舊在縣治東二十五里舊城內嘉靖十六年

因遷縣改置新城內縣治東南卽今所也通判韓灏建

縣志明時初建規模稍隘天順元年翰林學士劉定之  
以使事過津爲作記越七年知縣劉俊重修宏治十七  
年教諭王琛訓導盛英請遷舊學之東直指張公命縣  
丞呂廷珪主簿張經董其事嘉靖三年詔遷縣治通判  
韓漑改建于今城之東北隅萬歷二十九年署知縣龐  
源創修泮池奎路

國朝順治十三年知縣孟常裕邑僉事陳燦康熙三十七年  
知縣徐元燦先後修乾隆十年知縣王宏猷重修殿廡  
垣墉

崇聖祠縣志在殿後乾隆十年知縣王宏猷重修

明倫堂縣志在殿西與文廟同時建進德修業二齋在

明倫堂左右今廢敬一亭在崇聖祠後今廢射圃在

南門外今廢

名宦祠在敬一亭趾東

鄉賢祠在敬一亭趾西乾隆十年知縣王宏猷修

忠義孝弟祠在明倫堂後雍正六年知縣陳永正奉勅

建

文昌閣在南門上康熙五十三年知縣郭銜修

奎星樓在東城上康熙二十九年知縣高巖修三十五年

邑紳李煥等重修

宜陽縣

儒學李通志舊在縣治西元初創建後燬于兵明洪武三年知縣鄭桂發重建嘉靖二十三年知縣雷世榮修王省志萬歷間知縣何其智改建北向

國朝順治十年知縣金繼望十六年知縣王闓印相繼重修康熙五十七年知縣陳燹闢以北向非古改復南向縣志雍正初知縣郭朝鼎修墻垣加丹雘

崇聖祠在殿後

明倫堂在殿東進德脩業二齋列兩旁前有學道門再東

仰山樓

名宦祠在戟門東雍正初知縣郭朝鼎修

鄉賢祠在戟門西雍正初知縣郭朝鼎修

文昌閣在明倫堂左

奎星閣舊在北門上雍正十年知縣沈至德教諭郭磊訓  
導李子溫移建屏山之巔

忠義孝弟祠在學宮西雍正六年知縣沈至德奉 勅建

登封縣

儒學李通志舊在縣治西南始建未詳宋宣和間燬於兵

元泰定間知縣王琇修大德五年知縣王順重修元末

復燬明洪武七年知縣山錫之重建景泰天順成化間

知縣趙興張雄王璟侯觀相繼修葺嘉靖五年知縣侯泰重修王省志萬歷間知縣燕如靖傅梅修崇正十年燬于火

國朝順治九年御史王亮教趙如瑾知縣張朝瑞同邑紳傅景星傅性良傅作霖等重建雍正三年知縣楊世達重修續省志乾隆三年知縣施奕簪重修大殿

崇聖祠縣志在大成殿後康熙十七年知縣萬姓蘇重建雍正三年知縣楊世達改建乾隆十年知縣施奕簪增制門廳

明倫堂舊在大殿後雍正五年知縣楊世達改建崇聖

祠左乾隆八年知縣施奕簪重修博文約禮二齋列左

右東庫貯祭器西庫貯經籍萬歷間知縣傅梅購十三

經二十一史諸書留邑諸生考誦後遭寇燬僅存碑記

東西兩廡康熙十八年知縣張壘重建二十九年邑學生

景星捐資葺雍正五年知縣楊世達重修乾隆十一年

知縣施奕簪捐置長龕戟門雍正二年知縣楊世達修

泮池康熙二十五年知縣王又旦修櫺星門明嘉靖間

知縣侯泰易以石坊乾隆九年知縣施奕簪增福門

各宦祠在戟門左雍正五年知縣楊世達重修

鄉賢祠在戟門右雍正五年鄉賢後裔捐貲重修

文昌祠縣志卽存古書院康熙五年邑紳耿介倡衆重修  
並建嶽生堂乾隆八年知縣施奕簪修

奎星樓縣志舊在南城上崇正七年知縣邱樹屏改建學  
前康熙五年邑紳耿介重修乾隆八年知縣施奕簪修  
忠義孝弟祠雍正六年奉勅建

永寧縣

儒學李通志在縣治西宋咸平中知縣李毅建崇寧四年  
知縣夏琦重修元末燬于兵明洪武六年知縣翟禮重  
建三十年主簿艾敬增建永樂元年知縣郝敬重修正  
統十年知縣于淵修宏治十六年知縣李景修王省志

萬曆二年知縣秦紳重修明末寇燬

國朝順治九年知縣程萬善重建康熙二十八年知縣佟賦  
偉重修

崇聖祠舊府志在文廟左康熙二十八年知縣佟賦偉  
修

明倫堂縣志在文廟右進德修業一齋在堂之東西友  
仁堂敬一亭在堂之左右

名宦祠在崇聖祠後

鄉賢祠在西垣門之外南爲宰牲堂

奎樓在縣治東南二里許萬曆時知縣劉應遇建

忠義孝弟祠雍正六年奉勅建

新安縣

儒學李通志舊在縣治東南宋崇寧間兵燬元至正間縣尹張臣澤徙建縣治東北歲久亦廢明洪武三年知縣丁廷舉重建成化十四年知縣許鍾拓建嘉靖三十六年知縣盧大經鑿泮池王省志嘉靖四十四年知縣王訓修崇正十年邑紳尚書呂維祺重修

國朝康熙四年知縣范謨重修

崇聖祠縣志在大成殿後乾隆三十年知縣邱峩以敬一亭舊址改建

明倫堂舊府志在 崇聖祠後東爲進德齋西爲修業齋  
又西爲射圃康熙四年知縣范諶重修

名宦祠舊府志在戟門左嘉靖初建三十六年知縣盧大  
經修

鄉賢祠縣志在戟門右創建同名宦祠

文昌祠在縣治西

奎星閣縣志有二一在文峯上一在城內文昌祠前嘉靖  
三十三年知縣劉登創建

忠義孝弟祠縣志在明倫堂左雍正六年知縣于學謙奉  
文建

澠池縣

儒學李通志在縣治南宋末燬於兵燹明洪武五年知縣王熙揚重建天順成化間知縣王賓張重嘉靖二年知縣陳綬相繼修葺舊府志舊建新城西門外寇燬僅存大殿

國朝順治三年知縣潘沂募貲移建治東南隅因地勢湫隘十五年知縣張璟移建治東北隅未竣功康熙七年知縣鄧琪棻捐貲改建於縣治西學始完備王省志雍正五年知縣王箴輿教諭禹無間增修續省志乾隆十年知縣梁易簡重修又增建更衣亭於櫺星門左

崇聖祠在簡成殿後

明倫堂在儒學內左右爲崇德達道齋南爲尊經閣乾隆十年知縣梁易簡修增置更衣亭于櫺星門左隙

名宦祠在戟門左

鄉賢祠在戟門右並知縣梁易簡修建

文昌閣在儒學東南城上

聚奎樓在儒學正南城上並知縣梁易簡修

忠義孝弟祠雍正六年奉勅建

嵩縣

儒學李通志在縣治西元至正六年嵩州同知陳開建歲

久傾圯明洪武二年改州爲縣主簿譚景祥修宏治十一年教諭牛良同知縣伍文震重修縣志廟制建修唐宋無可考金明昌五年知州張利用建又廟碑載金完顏節使嫩忒建未詳年月元中統間知州梁可弼重修元末焚廢明崇正六年知縣胡開文修明末燬于兵

國朝順治三年署知縣府同知鄭倬修十三年知縣趙景融修康熙十九年知縣王瑛修二十三年教諭李滋修雍正四年知縣靳樹賢修

崇聖祠縣志在 文廟後嘉靖中建萬歷三十七年知縣令狐泌修乾隆二十五年教諭陳常訓導劉筆華修

明倫堂縣志在 文廟西舊名進學宋葉知幾改今額朱

文公書元至正四年知州張濟重修嘉靖間知縣詹萊  
修萬歷間知縣王豫修進德修業二齋在堂之東西

敬一亭在堂之左泮池在學宮南嘉靖間知縣劉尚禮鑿  
後湮塞乾隆三十年知縣康基淵疏引賈若水復其舊  
名宦祠在廟東

鄉賢祠在廟西並知縣康基淵修

文昌閣縣志在城東南隅乾隆三十年知縣康基淵建  
奎文閣在泮池南

忠義孝弟祠雍正六年奉 勅建

附書院

書院之設所以佐學校而河南爲最古唐之麗正集賢  
宋之同文穎谷見于載籍中可按焉然歲久廢圯徒存  
名蹟而已茲錄其現存者彙書學校後以見我

朝文教之盛而仍以舊傳者入古蹟中庶得所考鏡云

河南府

周南書院

舊在縣西南隅康熙二十八年知府汪楫建初名  
狄梁書院後移東北隅府署左改名天中書院置

膏火田

四頃四十三畝零前堂爲狄公祠祠後講堂三楹

後堂

三楹雍正四年知府張漢重修易爲周南書院乾隆

六年

署府李光型知縣朱續志添設齋房六所各三楹又

詳請

以本府鹽規銀九十五兩五錢八分各屬公費中撥

銀三百

八十兩租銀三十七兩一錢共銀五百十二兩零

爲每年

院長脩脯及生徒膏火四十一一年知府施誠重修

洛陽縣

天中書院

在縣西北隅舊衛東順治中守道趙文蔚捐建

奎光書院

在縣東南隅府學宮前奎光閣下

望嵩書院

在縣東南隅卽明望嵩書院舊址

澗西書院

在縣西關

灑東書院

在縣東關大銅駝巷北崇正時貢生

郭永固捐修

玉虛書院

在縣東南隅府儒學左

麗澤書院

在縣西南隅舊府南街道西

敬業書院

在縣東南隅草場南

棧樸書院

在縣西北隅觀音寺東

以上十所共存學田租地共二頃六十一畝零每年收

租銀十八兩六錢零乾隆三十一年知縣毛師灝詳請

總歸奎光灑東兩書院每年知縣捐廉俸延師課徒其

中

雪香書院

在府奎樓街乾隆三十九年知縣蔣果捐建頭門三間門房一間講堂三間齋房十六間院長住齋

六間廚房二間共捐廉銀五百有奇舊所立書院十所僅有其名惟灑東書院存有房舍七間不足以容生徒蔣果俟再籌備每年院長脩俸生徒膏火之費可垂久遠將詳請歸併焉

正東路社學

小翟家莊

東南路社學

河頭村郭家寨提家莊

彭店寨

二教塔宮  
家窰莊 李寨共七處

正南路社學

白沙鎮

西南路社學

牛家莊

正西路社學

谷水鎮唐家孫旗屯

棗園村  
共四處

偃師縣

兩程書院

在縣治東明萬歷間知縣呂純如建康熙二十年知縣崔鳴鶯重修乾隆八年知縣朱續志修學租

地併城鄉官基荒地及士民捐輸會地寨基共  
地七頃七十畝零墾房四十三孔官基七間半

西毫書院

在西郭乾隆八年朱續志捐建講堂三  
間東西兩齋各三間門房廚房各一間

鞏縣

嵩洛書院

在洛口元時左司郎中  
張惟敏奉旨修建今廢

城中書院

在縣東街萬歷時知  
縣程宇鹿建今廢

白鹿書院

在八陵村雍正十  
二年監生曹加縉

建

蓮山書院

在縣東  
七里舖

見山書院

在縣西  
石關村

石河書院

在縣西  
石河道

仙舟書院

在縣西迴郭鎮右四書院  
雍正十三年知縣季燦立

敬業書院

在城內康熙二十四年知縣  
蔣徵猷創建義田十八畝

東周書院

在城街乾隆十七年知縣  
張珩創建義田六十畝

孟津縣

書院

無

義學一處

宜陽縣

屏山書院

在城內舊有膏火地三十三畝  
每年縣令捐束脩一十二兩

義學十一處

城內北街 城內大街 韓城 三鄉 白楊  
柳泉石六處 康熙間知縣黃繼祚申明倫立

高橋 楊店 黃家窰 趙保 連  
莊右五處 乾隆八年知縣王道成立

登封縣

嵩陽書院

即太室書院舊址 宋景祐二年更名嵩陽書院  
王曾奏置院長給田一頃 金元廢 明嘉靖間知縣侯

泰興復之建二程祠後廢 國朝康熙十三年知縣葉玠  
建諸賢祠祀宋提舉管勾韓維而下十有四人 二十八年

學道吳子雲置學田一百畝林堯英置學田一百畝河南  
府知府江楫置東修田一百畝知縣張燠置學田六十畝  
知縣王又旦置學田一百畝知縣張聖誥置學田二百畝  
孟津王鶴置學田五十畝知縣楊世達置學田二百畝邑  
生員焦健置地九畝邑紳耿介置學田二百畝又開墾地  
一百三十畝知縣薛國瑞入地三十八畝撫院鹿祐置學  
田一百四十畝以供饗殮膏火之資歲久神祠學舍俱就  
圯乾隆四年知縣施奕簪入地一百二十三畝以爲歲修  
之費乾隆十六年恭遇

聖駕中巡駐蹕二十八年知縣卞峩同紳士移建城內

潁谷書院

在潁陽城西元時建乾隆八年潁陽  
紳士朱禎王琢等改建於本鎮街南

義學五處

東西關大金店呂店石道江左河邑  
紳李杰閻光國等倡立東西關現有學田延師課讀

永寧縣

洛西書院

元至元元年邑人薛友諒建中爲燕居堂左爲五  
賢祠元統元年主簿完顏光祖修明宣德間僉事

劉咸修正統十年縣丞于淵修明末燬於兵國朝乾隆  
十二年知縣單履咸倡捐重修原置地八畝四分交鹽課

籌備銀六百兩稞租生息銀共一百三十兩零以爲脩膳膏火之資

社學七處

城內 王范 余莊 河底  
坡頭 樊村 原村

新安縣

川上書院

在城南澗上前爲兩賢祠祀尤西川邱方山後爲宗賢樓以祀孟雲浦今廢

芝泉書院

在城北芝泉上呂忠節公建爲講學所今廢

東垣書院

乾隆二十六年知縣張濟世建立

義學十一處

城內十字街東康熙間知縣張琦立知縣陸師繼修乾隆三十年知縣邱峩又修敬社

右二處嘉靖間知縣王州立東鄉西鄉南鄉北鄉文行忠信社右五處順治間知縣佟希聖立

水莊

慈孝

莊呂氏家塾

澗池縣

河南府志

卷之二十九

學校志

三

書院

鄧公書院

在縣治內康熙間知縣劉子嘉建

文中書院

續府志雍正二年知縣劉湘王箴興

先後庀治落成郡守張漢署曰文中書院

韶山書院

在城內乾隆二十年知縣蔣廷璠

創

義學

一係舊察院衙署乾隆十年知縣梁易簡捐

俸開設

嵩縣

伊川書院

在城西北隅舊名樂道改今名乾隆四年知縣戈錦創建知縣徐璣增修入山坡地十頃一十八畝

三十一年知縣康基溫增修詳請裁入鳴臯書院地二十四頃七十二畝又僧大潛捐入西莊河地租錢四十九千生員陳兆祥捐入白河地租錢六十三千五百每年共收銀二百六十五兩有零以爲院長脩膳及生童膏火之

費有碑記

鳴臯書院

舊名伊川元克烈士希建薛友諒記趙孟頫書康熙二十七年知縣徐士訥建兩程祠三楹有記乾

隆三十二年知縣張願鑑入無糧瘠地二

十四頃零今詳明併入縣城書院在案

和樂書院

在海角村宋張文定公齊賢建今存先師殿三楹

程氏義學

兩程祠內博士程宗孟置地六十餘畝爲後裔延師讀書之資

社學三十四處城關

門北內高都家堂

元里北

建橋 莘樂 建孫 三

塗 建南

蠻峪 建蠻

德亭 建德

大章 建大

舊縣 建東

湯下 建中

營 潭頭

建潭 樓關

小河 建羅

柳林 建柳

白河 建源

孫

店 建孫

東村 建東

汝河 建兩

寺莊 建屯

溫泉 建莊

阜南 建九

店 花廟

建高 屯 燕王

角 建海 常峪

建常 堡南

建葛 趙村

建安 寺 源

頭 建石

樊川 建法

華東 石礪 建石

田湖 建田

樊村 建補

鳴阜 建鳴

阜 新營

建合 村 莘渠

建莘 渠

社學從前皆旋置旋廢乾隆三十一年知縣康基淵詳請設立各有學舍地租有記